

于湖題襟集
二









于湖題襟集

二

袁昶編錄



中華書局



于湖題襟集

黃公度詩一卷

由上海啟行至長崎

浩浩天風快送迎。隨槎萬里賦東征。使星遠曜臨三島。帝澤旁流徧裨瀛。大鳥扶搖搏水上。神龍首尾挾舟行。馮夷歌舞山靈喜。一路傳呼萬歲聲。

滿城旭影曜紅旗。神武當年此肇基。竿木纔平秦世亂。衣冠創見漢官儀。中原舊族流傳遠。長崎多有勝朝遺老後裔

四海同家聚會奇。此土此民成此國。有人盡日倚欄思。

陸軍士官學校開校禮成賦呈有栖川熾仁親王

爲將不知兵。是謂卒子敵。不教驅之戰。豈能出以律。桓文節制師。蘇張縱橫策。制勝非有他。所貴在練習。日本二十年。本以武立國。幕府值季世。犬戎迭相逼。賢豪爭勤王。蔚成中興辟。環顧五部洲。滄海不可隔。函關一丸泥。勢難復閉壁。勇夫且重閉。豈曰偃兵革。天孫茅纓稍。高麗鐵鑄的。古豈無利器。今合借他石。近年歐羅巴。兵法蓋無匹。廣輪四海圖。上下千年籍。擇長以爲師。悉命譯人譯。廣廈千萬間。多士宅爾宅。羣萃而州處。乃受觀摩益。使指固藉臂。覆足固藉翼。得一良將才。勝百連城壁。是日營門開。軍容茶火赫。賢王代臨軒。客卿咸就席。組練簡一千。距躍習三百。拐馬熟連環。飛礮鳴霹靂。亦有輕氣球。凌風騰千尺。

隼人與相撲。餘技及刺擊。粲粲西人服。竦立咸屏息。王告汝多士。曷哉宜勉力。刃當摩厲須。錐乃脫穎出。千日可不用。兢惕在朝夕。王告汝多士。彫虎在有北。養爾民脂膏。爲民出鋒鏑。爾能扞城民。界汝公侯伯。多士曰唯唯。拜手受詔敕。使者觀茲禮。歡忻目屢拭。念余捧載書。相見藉玉帛。同在亞細亞。自昔鄰封輯。譬若輔車依。譬若犄角立。所恃各富強。乃能相輔弼。同類爭奮興。外侮自潛匿。解甲歌太平。傳之千萬億。

游箱根

危塗遠盤紆。徑仄鳥迹絕。一步不敢前。雙足若被別。人呼兜籠來。縱橫寬尺八。腳手垂郎當。腰背盤曲折。輿人出裸國。皮皺龜兆裂。螭蛟繡滿身。橫胸施絳袂。兩肩乍撐舉。雙杖互扶挈。前枝後更撐。仰攀俯若跌。有如蟻旋磨。又似蛇出穴。跌跌上竹鮎。蠢蠢爬沙磈。噫風竹筒吹。汗雨蒸甑泄。勞倦時一歌。鄉音烏嘲哂。烟樹繞千迴。風花眩一瞥。峭壁俯絕壑。旁睨每橋舌。四山呼無人。一墮使永訣。畏途甯中止。弛擔屢更迭。直窮絕頂高。始覺天地闊。

羣峰插雲中。結屋峰頭住。濛濛萬雲海。憑空無寸土。開窗起看雲。迷茫若無覩。一雲忽飛來。一雲不肯去。一雲幻作龍。盤旋繞屋住。關窗急遮欄。攢隙細如縷。須臾寒破屋。真氣滿庭戶。解裝張行囊。呼童共撈取。大風捲地來。團作黑烟聚。隱隱聞雷聲。乍似嬰兒怒。遙知百萬家。已灑三尺雨。我方跂脚眠。夢騎赤龍舞。直傾天河水。遠向并豫注。側身起西望。夢墮雲深處。時山西河

舉國無名川。一湖何滉漾。環抱三百里。下窺五十丈。神武開闢來。亘古無消長。沈泉日穴出。淤流失歸向。

一碧湛空明。萬象絕依傍。昂頭只日月。兩輪互摩盪。我來駕一舟。杳茫迷所往。謂是滄溟遊。乘風破巨浪。何圖衆山頂。乃泛海蕩蕩。關東昔豪傑。割地爭霸王。湯池據此險。漆城莫敢上。邇來司農官。又作填海想。鑿脈乾此湖。可得千沃壤。紛紛校得失。堯桀我俱忘。且作烟波徒。容與打雙槳。羣山若堂防。依巖各構屋。家家爭調水。曲筧引修竹。冷泠滴簷角。汨汨出巖腹。曉鳴未與。既有遊人浴。東屋鳴寒絃。西屋鬥棋局。南屋垂釣竿。北屋羅簡牘。蛟豪展涼簟。鶴氅披輕服。點白茶始嘗。堆紅果初熟。蕃舶從海來。蒲萄泛新淥。洪崖揖浮邱。蕭史媚弄玉。雞犬亦飛昇。熊魚各得欲。人生貴行樂。矧此神仙福。纏腰更騎鶴。辟俗還食肉。平生煙霞心。奈此桑下宿。行攜桃源圖。歸我篋簪谷。

流求歌

白頭老臣倚牆哭。顏髻斜簪衣慘綠。自嗟流蕩作波臣。細訴興亡溯天賦。天孫傳世到舜天。海上蜿蜒一脈延。彈丸雖號蕞爾國。問鼎猶傳七百年。大明天子雲端裏。自天草詔飛黃紙。印綬遙從倭國頒。衣冠幸不朱崖棄。使星如月照九州。王號中王國小球。英蕩雙持龍虎節。繡衣直指鳳麟洲。從此包茅勤入貢。艷說扶桑繭如甕。會豪入學還請經。天王賜襲仍歸贈。爾時國勢正稱強。日本猶封異姓王。只戴上枝歸一日。更無尺詔問東皇。黑面小猴投袂起。謂是區區應余界。數典橫徵貢百牢。兼弱忽然加一矢。鯨鯢橫肆氣吞舟。早見降幡出石頭。大夫拔舍君銜璧。昨日蠻王今楚囚。畏首畏尾身有幾。籠鳥惟求寬一死。但乞頭顱萬里歸。安將口血羣臣誓。歸來割地獻商於。索米仍輸歲歲租。歸化雖編歸漢里。畏威終奉嚇蠻書。

一國從茲臣二主。兩姑未覺難爲婦。稱臣稱姪日爲兄。依漢依天使如父。一旦維新時事異。二百餘藩齊改制。覆巢豈有完卵心。顧器略存投鼠忌。公堂纔錫藩臣宴。鋒車竟走降王傳。剛聞守約比交鄰。忽爾廢藩夷九縣。吁嗟君長檻車去。舉族北轅誰控訴。鬼界明知不若人。虎性而今化爲鼠。御溝一帶水溶溶。流水花枝蝴蝶紅。尚有丹書珠殿挂。空將金印紫泥封。迎恩亭下蕉陰綠。相逢野老吞聲哭。旌麾莫覩漢官儀。簪纓未改秦衣服。東川西川弔杜鵑。稠父宋父泣鸛鶴。興滅曾無翼九宗。賜姓空存殷七族。幾人脫險作逋逃。幾次流離呼伯叔。北辰太遠天不聞。東海雖枯國難復。毘裘大長來調處。空言無施究何補。只有流求卹難民。年年上疏勞疆臣。

八月十五夜太平洋舟中望月作歌

茫茫東海波連天。天邊大月光團圓。送人夜夜照船尾。今夕倍放清光妍。一舟而外無寸地。上者青天下黑水。登程見月四面明。歸舟已歷三千里。大千世界其此月。世人不共中秋節。泰西紀歷二千年。只作尋常數圓缺。舟師捧盤登舵樓。船與天漢同西流。虬髯高歌碧眼醉。異方樂祇增人愁。此外同舟下床客。夢中暫免供人役。沈沈千蟻趨黑酣。交臂橫肱睡狼藉。魚龍悄悄夜三更。波平如鏡風無聲。一輪懸空一輪轉。徘徊獨作巡簷行。我隨船去月隨身。月不離我情倍親。汪洋東海不知幾萬里。今夕之夕惟我與爾對。影成三人。舉頭西指雲深處。下有人家億萬戶。幾家兒女怨別離。幾處樓台作歌舞。悲歡離合雖不同。四億萬衆同秋中。豈知赤縣神州外。美洲以西日本東。獨有一家敵孤蓬。此客出門今十載。月光漸照鬚毛

改觀日曾到三神山。乘風竟渡大瀛海。舉頭只見故鄉月。月不同時地各別。卽今吾家隔海遙相望。彼乍東升此西沒。嗟我身世猶轉蓬。縱遊所至如鑿空。禹跡不到夏時變。我遊所歷殊未窮。九州腳底大球背。天胡置我於此中。異時汗漫安所抵。搔頭我欲問蒼穹。倚欄不寐心憧憧。月影漸變朝霞紅。朦朧曉日生於東。

舟中驟雨

極天惟海水。水際忽雲橫。雲氣隨風走。風聲挾雨行。鵬垂天欲墜。龍吼海齊鳴。一霎風吹去。滄波萬里平。到香港

水是堯時日。夏時衣冠。又是漢官儀。登樓四望真吾土。不見黃龍上大旗。夜泊

一行歸雁影零丁。相倚雙鳬睡未醒。人語沈沈篷悄悄。沙光淡淡竹冥冥。近家鄉夢心尤亟。拍枕濤聲耳厭聽。急趁天明催鰓發。開門斜月帶殘星。

春夜招鄉人飲

春風漾微和。吹斷簷前雪。寒犬吠始停。衆客互排闥。出壺酒子釀。敲壁燭奴爇。花豬閒黃雞。亦足供餽餼。團坐盡鄉鄰。無復苛禮設。以我久客歸。羣起爭辯詰。初言日本國。舊是神山窟。珊瑚交枝柯。金銀眩宮闕。雲餘白傅龕。錦留太真韞。今猶驂鸞來。眼見非恍惚。予乘仙槎去。應識長生訣。靈芝不死藥。多少祕筐篋。

或言可倫坡。索地始未獲。匝月糧懼罄。磨刀咸欲殺。天神忽下降。指引示玉牒。巨鼈戴山來。再拜請手接。狂呼登陸去。礮響轟空發。人馬合一身。手秉黃金鉞。野人走且僵。驚辟鬼羅剎。卽今牛貨洲。利盡西人奪。金穴百丈深。求取用不竭。又言太平洋。地當西南缺。下有海王宮。蛟螭恣出沒。漫空白雨跳。往往魚吐沫。曾有千斛舟。隨波入長舌。天地黑如磐。腥風吹雨血。轉腸入輪迴。遺矢幸出穴。始知出魚腹。人人慶復活。傳聞浮海舟。盡裹十重鐵。疊床十八層。上下各區別。牛羊豕雞狗。萬物萃一筏。康莊九達開。周廬千戶闢。船頭逮船尾。巡行認車轍。其人好樓居。四窗而八達。千光壁琉璃。五色紅韎鞮。傑閣高入雲。明明月可掇。出入鬼仙閒。多具鎖子骨。曾見高絙枝。行繩若飛越。犁韃善眩人。變態尤詭譎。常聞海客談。異說十七八。太章實親見。然否待子決。諸胡飽腥羶。四族出饕餮。釘盤比塔高。硬餅藉刀截。菜香苜蓿肥。酒豔葡萄潑。冷淘粘山螻。濃汁爬沙蟹。指動思異味。諒子固不屑。古稱美鬚眉。今亦誇白皙。紫髯盤蟠虬。碧眼閃健鶻。子年未四十。鬚鬢須在頰。諸毛紛繞渢。東塗復西抹。得毋逐臭夫。習染求容悅。子如誇狄強。應舉巨觥罰。謬稱夜郎大。能步禹跡闊。試披地球圖。萬國僅蟻蝨。豈非談天衍。妄論工剽竊。一唱十隨和。此默彼又聒。醉喝杯箸翻。笑震屋瓦裂。平生意氣頗。滔滔論不歇。到此窮詰屈。口箝舌反結。自作滄溟遊。積日多於髮。所見了無奇。無異在眉睫。山經伯翳知。坤圖懷仁說。足跡未徧歷。安敢遽排訐。大鵬恣扶搖。暫作六月息。尙擬汗漫遊。一將耳目豁。再閱十年歸。一一詳論列。

拜曾祖母李太夫人墓

鬱鬱山上松。呀呀林中鳥。松有蔭孫枝。鳥非反哺雛。我生墮地時。太婆七十五。明年阿弟生。弟兄日爭乳。太婆向母懷。伸手抱兒去。從此不離開。一日百摩撫。親手裁綾羅。爲兒製衣裳。糖霜和麴雪。爲兒作粿粳。髮亂爲梳頭。腳膩爲煖湯。東市買脂粉。饋面日生光。頭上盤雲髻。耳後明月瑤。紅裙絳羅襦。事事女兒妝。牙牙初學語。親口教詩章。一讀一背誦。清如新炙簧。三歲甫學步。送兒上學堂。知兒故畏怯。戒師莫嚴莊。將出牽衣送。未歸踰閭望。問訊日百回。赤足足奔忙。春秋多佳日。親戚盡團聚。雙手擎掌珠。百口百稱譽。我家七十人。諸子愛渠祖。諸婦愛渠娘。諸孫愛渠父。因裙便惜帶。將縑難比素。老人性偏愛。不顧人笑侮。鄰里向我笑。老人愛不差。果然好狀貌。黠黠如蓮花。諸母背我罵。健犢行破車。上樹不停腳。偷芋信手爬。昨日探鵲巢。一跌敗兩牙。嚙血唾滿壁。盤礴畫龍蛇。兄妹呢我言。向婆乞金錢。直傾紫荷囊。滾地金鈴圓。爺娘付我耳。勸婆要加餐。金盤膾鯉魚。果爲兒下咽。伯叔牽我手。心知不相干。故故摩兒頂。要圖老人歡。兒年九歲時。阿爺報登科。劍兒大父旁。一語三摩挲。此兒生屬猴。聰明較猴多。雖難比老雞。異時知如何。我病又老耄。情知不堅牢。風吹兒不長。那兒兒扶搖。待兒勝冠時。看兒能奪標。他年上我墓。相攜著宮袍。前行張羅繖。後行鳴鼓簫。豬雞與花果。一分肩挑。爆竹響墓背。墓前紙錢燒。手捧紫泥封。云是夫人誥。祖孫共羅拜。焚香向神告。兒今幸勝貴。頗知母所料。世言鬼無知。我定開口笑。大父回顧兒。此言兒熟記。一年記一年。兒齒加長矣。兒是孩提心。那知太婆事。但就兒所見。依稀記一二。太婆每出入。籠東拄一杖。後來杖挂壁。時見垂幃帳。夜夜攜兒眠。呼娘搔背蟬。展轉千搥腰。殷殷春雷響。佛前燈尙明。窗隙見月上。

大父褰簾來。懽笑時鼓掌。瑣屑及鄉鄰。譏訶到官長。每將野人語。眩作鬼魅狀。太婆悄不聽。便知婆欲睡。戶樞徐徐關。移踵車輪曳。明朝阿娘來。奉匱爲盥洗。欲飯爺捧盤。欲羹娘進匕。大父出迎醫。覲縷講脈理。咀囑分膏藥。斟酌共量水。自兒有知識。日日見此事。謂此好日月。老少永無異。豈知三十年。光陰迅彈指。今日來拜墓。兒旣鬚滿嘴。兒今年四十大父七十九。所喜頗聰強。容顏類如舊。迴山看松柏。不要攜杖走。拜跪不須扶。尙能奠杯酒。挂珠碧霞犀。猶是母所授。繡衣炫錦雞。新自粵西購。一手牽頰鬚。一手振袍袖。打鼓唱迎神。紅氍齊泥首。上頭爇爐烟。兩旁列鼎卣。青箬包黍粽。紅絲絡蓮藕。大父在前跪。諸孫跪在后。森森排竹筍。依依伏楊柳。新婦外曾孫。是婆定婚媾。阿端年始冠。去年已取婦。隨兄擊腰扇。阿和亦十五。長樛次當蓀。此皆我兒女。青青秀才衣。兩弟名誰某。少者新簪花。捧觴前拜手。次第別後先。提抱集賤幼。一家盡偕來。只恨不見母。母在婆最憐。刻不離左右。今日母魂靈。得依太婆否。樹靜風不停。草長春不留。世人盡癡心。乞年拜北斗。百年那可求。所願得中壽。謂兒報婆恩。此事難開口。求母如婆年。兒亦奉養久。兒今便有孫。不得母愛憐。愛憐尙不得。那論賢不賢。上羨大父福。下傷吾母年。吁嗟無母人。悠悠者蒼天。

夜飲

長風吹月過江來。照我華堂在手杯。莫管陰晴圓缺事。盡懽三萬六千回。胸中五嶽撐空起。眼底浮雲一掃開。玉管銅絃兼鐵板。與君扶醉上高臺。

今別離

別腸轉如輪。一刻既萬周。眼見雙輪馳。益增心中憂。古亦有山川。古亦有車舟。車舟載離別。行止猶自由。今日舟與車。併力生離愁。明知須臾景。不許稍綢繆。鐘聲一及時。頃刻不少留。雖有萬鈞柁。動如繞指柔。豈無打頭風。亦不畏石尤。送者未及返。君在天盡頭。望影倏不見。烟波杳悠悠。去矣一何速。歸如留滯不。所願君歸時。快乘輕氣球。

朝寄平安語。暮寄相思字。馳書迅如電。云是君所寄。既非君手書。又無君默記。雖署花字名。知誰符紙尾。尋常並坐語。未遑悉心事。況經三四譯。豈能達人意。只有班班墨。頗似臨行淚。門前兩行樹。離離到天際。中央亦有絲。有絲兩頭繫。如何君寄書。斷續不時至。每日百須臾。書到時有幾。一息不見聞。使我容顏悴。安得如電光。一閃至君旁。

開函喜動色。分明是君容。自君鏡奩來。入妾懷袖中。臨行翦中衣。是妾親手縫。肥瘦妾自思。今昔將毋同。自別思見君。情如春酒濃。今日見君面。仍覺心忡忡。攬鏡妾自照。顏色桃花紅。開篋持贈君。如與君相逢。妾有釵插鬢。君有襟當胸。雙懸可憐影。汝我長相從。雖則長相從。別恨終無窮。對面不解語。若隔山萬重。自非夢來往。密意何由通。

汝魂將何之。欲與君追隨。飄然渡滄海。不畏風波危。昨夕入君室。舉手牽君帷。披帷不見人。想君就枕遲。君魂倘尋我。會面亦難期。恐君魂來日。是妾不寐時。妾睡君或醒。君睡妾豈知。彼此不相聞。安怪相參差。舉頭見明月。明月方入扉。此時想君身。侵曉剛披衣。君在海之角。妾在天之涯。相去三萬里。晝夜相背馳。

眠起不同時。魂夢難相依。地長不能縮。翼短不能飛。只有戀君心。海枯終不移。海水深復深。難以量相思。

于湖題襟集

思舊集一卷

奉簡重黎道兄

芳郭鈍叟編錄

秀水沈曾植子培

竹堂不到幾句餘。想見焚香淨掃除。禪誦有時還謝客。眼昏渾不廢鈔書。酒邊致語春多勝。物外眞遊鑑共虛。問訊偃松新月狀。朝來步履更相於。

擬樂府四首有序

會稽李慈銘題伯

樂府之作。誼取比興。爲變風變雅之支流。餘裔時有今古。情無遷轉。貴取其意而易其趣。襲其格而變其辭。明代李王。描摹景嚮。笑齒已冷。而世之爲新樂府者。競構巧語。流爲俳諧。又變而失其宗。予窮居京師。辛壬之歲。朝廷多故。閒有所感。雜拈四章。辭或涉于憤世。指不離乎愛君。言者無罪。聞者足戒。後之覽者。善逆其志。當不與種桃之詠。秦婦之吟。等類同譏爾。

雞鳴歌

海雲曉。曉紫皇醒。結璘流華當戶炯。可憐長夜酣歌人。壑谷沈沈半酩酊。主人意氣豪且麤。華鐙四照紅氍毹。玉驄列炬迎名姝。坐客數十飄長裾。中有一人雄髭鬚。高談豪飲傾玉壺。清商雜奏笙竽。主人富

貴賓歡娛。賓極歡。主大醉。起酹三台星。爲賓作十賚。小兒八坐居文昌。大兒千乘諸侯王。羣兒相貴不可當。酒百巡。燭數跋。雞鳴一聲童失色。童走告主人。主人醉怒噴。坐客屢鳥交。逡循鐘停漏。歇天下白。主人駢首入請室。可憐坐客誰最親。日望金雞采竿立。

枯魚過河泣

枯魚過河泣。何時悔復及。二句原辭借問爾魚生。何方滇池黑。水何汪洋。澱澱小鮎產。鱖魴荷花三百里。游戲樂未央。一解魚潑刺兮飛上天。揚鬣水擊能三千。蓬瀛一躍花滿川。液池清藻浮澄鮮。天子賜顏色。蛟鱓與周旋。二解浙西浙東一千里。環以三江五湖水。魚去十洲住游尾。忽潛忽見帝心喜。三解雷轟雷馳江海昏。濱池鼃鼃翻乾坤。魚化爲鵬復爲鯢。大江左右魚吐吞。鼃鼃以外惟魚尊。四解揚鱗五采磨雪牙。扈從千百鱗鱗濱。旁人不識魚。疑是龍與蛇。鼃鼃斗起揚塵沙。宛轉奔迸魚不如。鰕五解忽然網張魚就熟。市人沽酒看魚磔。刀砧在前魚噉泣。語魚不須泣。江邪浙邪盡涸竭。咄爾枯魚悔何及。六解

烏夜啼

脰脰膊膊烏羣飛。御史府中列柏棲。朝來匿景棄夜啼。一烏啼向曙。羣烏問何怒。云昨有黃雀飛。鳴公車署。黃雀萬里穿蒿蓬。銜花直達明光宮。主人覩花感雀意。金鈴繫雀穿花叢。烏言百鳥自成列。鳳凰不能私雀秩。只聞鳩隼居上林。不許鸛鷀傍堂密。黃雀一心惟報恩。飲啄風露甘邱樊。忽遭彈射誰敢冤。由來反舌憎人言。

君馬黃

君馬黃青絲絡頭生輝光君馬白錦障連錢驕玉埒。汗血不必求胡中。鑄式不煩召良工。尋常牧廐取不盡。牽來皆號驂與龍。今日貢六馬。明日獻八駿。園人太僕悉充牣。繁纓蹀躞備承黃。服驂纔出躡道旁。吁嗟歎沙復歎玉。效駕不及驢與羊。老驥低頭淚如雨。孫陽滿前不汝覩。薦賢各已受賞歸。且藍枯藍狎羹豎。

和重黎見懷絕句

閉門久學寒蟬噤。一訪長安臥雪家。吏謁未歸鈴下睡。繞簷凍雀啁庭花。卅年寂寞衙參吏。短髮羞簪柱後冠。正是輕陰天欲暮。且同松柏守山寒。玉壺冰合嶺山雪。絕妙蘭臺一卷詩。臥病凝香休暇裏。抱書吟過歲寒時。

題漸西樊山兩集

袁子清言琢冰玉。樊子秀語奪山綠。乾嘉以來百餘年。二妙一時壓尊宿。桐廬梅花三萬株。夷陵清峭天下無。盛年隨計旋通籍。各搜奇偉研京都。嚴灘夾嶂蔽林篠。西峽啼猿楚天曉。故應仙骨常人殊。胎息巖花狎谿鳥。漸西詩版傳玉京。茗樓十集東南行。雲門樊山集亦曰茗花樓詩已分十餘集寫定華嚴合有長者論。卮言聊附鍾磬評。譬之山耶。袁如峻崖裂冰瀑。樊如白雲生澗曲。譬之水耶。袁如清湍激盤渦。樊如明湖翻碧波。譬之木耶。袁如奇松偃地覆。樊如黛柏參天秀。譬之花耶。袁如苞紫含丁香。樊如猩豔開海棠。譬之果耶。袁如脆

梨寒沁齒。樊如蒲桃爽無滓。譬之茗耶。袁如芥葉清而妍。樊如越芽翠且鮮。罕譬既窮。喻之食。雋永兼論。味與色。一則江珧兼螯蚌。一則玉鱠金齏。淩世間奇味不常有。安得日日供膳羞。南能北秀並肩出。丹鳳雌雄孰能識。謬承蘇學競秦黃。敢比韓門論湜籍。鳴珂粉署行珥蟬。花封鳬鳥飛秦川。輦下琴尊暫相聚。門詩寫貴青鸞箋。媿我跛牂附不朽。品隲雲龍笑開口。彩樓更問沈佺期。謂子培銀燭紅鑪賭千首。

次韻重黎見寄

順德李文田仲約

傲吏高情意屬雲。有人蘭澤識香薰。和戎德裕原無策。流涕袁安尙有君。文采長離殊瑋麗。宮商無射感殷勤。旅行衝雪愁無那。悵望柯亭覓斷紋。

擬明季三案詩

恩施樊增祥雲門

挺擊

蠱毒妖書謗未休。青宮白梃更相讎。披猖圍塋成何事。肘腋驪戎政可憂。兄弟故應憐白象。君王不用悔泉鳩。從容爲賦黃臺蔓。勝國誰爲李郭侯。

紅丸

侍臣催喚進紅鉛。椒掖俄驚玉几寒。方士競言蓬島藥。皇情自信鼎湖丹。御牀輾轉傷魚腹。廷論紛紜諱馬肝。比似春秋嘗藥例。德清欲避董狐難。

移宮

給諫堂堂叩九關。鸞宮禁卽長門金輪共。戴非臣志鉤弋長生是主恩。幾見野雞危少帝。不留飛燕啄皇孫。披香禍水知何限。別有茄花蔽至尊。

樵也吟三案詩甚苦再賦三首廣之

槌擊

少海風波極苦辛。狂夫狙擊駭廷臣。羅孤立廣非無意。二五危中亦有因。良娣漫施摘瓜手。威姬終憚采芝人。匆匆具獄平臺上。不對天顏廿五春。

紅丸

口詔忠臣進祕方。閣臣列侍盡倉皇。誤疑一點丹心鍊。豈意千秋玉几涼。不爲遺弓誅柳泌。徒煩請劍斬安昌。春秋九世讎應復。閤樂同天詎可忘。

移宮

舊侍先皇百子池。貞臣深斥武昭儀。乍開暖閣前星出。坐見長門冷月移。定策艱難高霍孟。撤簾力量過韓琦。噦鸞宮井秋風入。帝女黃權亦可悲。

京邸冬日簡爽秋子培

霏屑清言總識真。一時二妙有誰倫。國人競覓狂泉飲。我輩能回狷社春。文字分無蠹室事。帶裘爭及雀臺人。冷官作達休相笑。糲飯寒菹互主賓。

恐伯先生評隲袁樊兩家詩格以山水花木茗果爲喻奉答一首

袁詩如食欖。我詩如噉蔗。世有知味者。甘乃居苦下。袁詩黍稷馨。我詩桃李花。古人亦有言。秋實勝春華。袁詩爲帛。我爲練。袁詩爲醅。我爲茗。袁爲冰柱爲雪車。我爲丹曦爲紫霞。袁詩好處無人愛。我詩愛好皆驚嗟。早年把臂得陶君。謂子珍晚歲齊名遇袁子。七實樓臺屬化城。千尋石壁橫江水。秦黃並受蘇門知。能秀俱事黃梅師。吾師兼愛何分別。得失心知甯自私。少年紅燭照青歌。宛轉秋風競綺羅。邇來漸欲歸平淡。奈此餘波綺麗何。此事推袁非一日。可畏隱然臨大敵。更門東陽瘞沈來。三交不覺蛇矛失。謂子坪

哭李恐伯先生十首

彼蒼何意喪斯文。木壞山頽不忍聞。北斗一星寒吏部。東流諸水赴河汾。彌留室裏聞香氣。奄忽空中降鶴羣。老去侯芭慚負土。天西無路哭揚雲。茂陵秋雨臥相如。多病時時賦子虛。身似芭蕉叢衆疾。心如椰子納羣書。蔽賢兩府能無過。問字諸生慟有餘。爲問南園籬下犬。何心不作仲宣驢。朝回深閉草玄亭。四海儒流見典型。郎欲潛時師漫浪。學從困後識深甯。公所居曰困學樓叩門使者求遺稿。就木奄然執孝經。贏得傾都冠蓋集。焚香齊拜草堂靈。深衣久染禁城塵。身是蒼姬柱下臣。元相格詩經御覽。鄴侯鎖骨本仙人。老來服食需靈照。身後巾箱付阿新。驄馬入臺餘五載。蓋棺縹緲不勝貧。

一入南臺著直聲。霜棱震動漢公卿。屢陳政要師貞觀。未覺衣冠逮廣明。宣室夜虛梁傅席。月堂陰記李光名。歿而猶視扶桑島。銜石千年恨未平。東事起而公已病欲有所敷奏而稿不屬九月三日與祥書云此當歿而猶視者也

廣大宗門用意深。并包文苑及儒林。自舒聞見成遷史。人以膏肓待鄭鍼。箋啓每如江夏意。篋書能轉贊皇心。殷勤勸付麻沙木。關尹年來俸有金。

自敘平生說苦甘。詩家仙聖得同龕。公自道所學以詩爲第一堂堂日月端明殿。戀戀江湖老學菴。百戰健兒居廡下。公嘗引遠道圖語曰余爲百戰健兒而自居漢廷老吏

讀書種子斷江南。虞山駁雜新城淺。持較先生總未堪。風流承旨受煎茶。王塵絲絳似道家。太白已歸鯨海月。小紅休嫁馬塍花。夢中割斷江郎錦。酒畔銷殘定子霞。朱生先一年化去華髮門生張水部。忍聽二婢泣琵琶。

三十年來骨肉情。禮堂言語記分明。仙山他日從余隱。家事而今聽子行。坐久春風成隔世。立殘夜雪付來生。董陵下馬公知否。悽絕山邱痛哭聲。

北望燕雲總淚垂。春風塔院把離卮。辛卯出都之前兩旬無日不共談讌卽路之坐看月朗還思我。欲理元言恰共誰。執紼那能千里送。招魂已覺五旬遲。公歿於十一月二十三日始得訃書傷心九月初三字。卽是鱣堂絕筆時。

昨枉戶曹詩慰落第輒拾餘韻奉和

閩縣鄭孝胥太夷

短翼無高翔。拙射終虛殼。旁觀騰挪揄。孤憤積僂僂。推擠若廁足。憫默窮束味。判償塵土債。聊瀾車馬驟。

坐曹期卒歲。隱几送清晝。驚披蘭臺句。語妙紛奔湊。道機元自熟。慰藉意良厚。六街愁昏霾。熱風不可禦。卻思高齋冷。綠陰翳庭甍。先生演名理。出入莊御寇。云何挂懷抱。感事眉猶皺。生平慕齊物。得失奪邂逅。詎能忘牛蟻。息此牀下鬪。方當愧君語。陳義高難遘。栖遲幸相裁。免負當時詬。

題漸西集後

隨州左紹佐笏卿

寒月照幽樹。霜風吟屋山。泠泠萬丈白。演漾虛堂前。我時把詩卷。往復盡幾篇。不覺街柝寂。已復林鳥喧。廚童饋朝食。舉盤未能餐。隱几三嘆息。兀坐如枯禪。

禹後幾鴻水。秦炬豈云息。寥寥諸老人。補綴用心力。大運有遷變。真宰亦相役。達者固不言。言之或無益。獨鶴守孤枝。悲聲念儔特。短羽啄堅冰。忍飢俟春色。茫茫萬彙中。吾生胡不憚。

客秋南歸重黎有詩見貽依韻作

長洲葉昌熾綠督

度世常融梵。與仙嚴江七里上瀧船。金門亦復潛真隱。列宿郎官本應天。清言謾謾振松風。君是前身玉局翁。莊列激言成實義。百川吐納小詩中。屬國文書下典籤。揆張國體見尊嚴。八荒亭障煩籌筆。海語蠻書陋故嫌。

刺促頻年鵠退飛。晁陳薄錄敢甄甄。感君爲致虞翻榻。何日昇明拂袖歸。君以藤牀一具見賜故引齊竟陵王子良事答謝

次韻和重黎先生

花縣朱珩楚白

赴選不習書。應舉不治帖。兀兀抱圖史。校讎掃落葉。偶讀先生集。心喜類見獵。大海無涯津。遠與冥冥接。

地球九萬里。寸管遂收攝。學步苦枵腹。發書乃陳篋。輒拋玉試引。屋架牀已疊。未滅鍼綫迹。詎擬錦文翫。和章更閎麗。倚馬萬言捷。句得鬼神助。語吐兒女妬。大才信槃槃。利口豈喋喋。矯若千歲龍。變化露鱗鬣。又若萬選錢。輕薄陋環英。國朝起長白。水慄陸尤饒。安客少擊斝。環人職搏謀。技勇錫伯嫻。騎射索倫使。楷矢躡甲徹。天馬浮雲鬣。弋所指處。蕩平不胸臆。自從咸同後。軀卒稍疲沓。龍沙瀚海外。威德尙淪浹。公詩述聖武。誦之芬流頰。一服清涼散。驅暑不煩箠。祇我驚負重。長途苦蹀躞。累黍尺新圖。疑案訊往謀。東郭履弗完。僧虔髮屢鐻。海蠡測未能。隙駒迅可惜。搜羅苦不富。請借瑯嬛爰。

鄙人病溼經旬掩關卻掃重黎先生以荔支見餉不敢食賦此奉正卻寄袁葉兩君廣州

長洲王頌蔚謹識

十日在告。踣壁臥。端居棲靜如枯僧。漸西故人走急遞。撝爾貽我一絨膝。拂拭封題啓黃蠟。釘槃奇果離離承。函封尙如火齊豔。庖理未改肪玉凝。孺子蓬頭色狂喜。天吳紫鳳相諠騰。楊梅屬對殊未善。梨栗攫食爭先登。如此琛賔敢私據。執筭聊復詔賓朋。下者膏馥逮臧庸。祇恐雞犬淮南升。賤子比來愁內熱。服寒食散稍清澄。對之忍俊不敢食。流涎在口目則瞪。昔在海南恣大啖。增城挂綠良所矜。重爲甘餐致下利。煩暑襲逆病莫興。假臥荒江絛頓久。幾令弔客來青蠅。壬午夏客廣州事省痛尙復持戒律。負君盛意羹膾懲。我友張籍最英妙。瓜李日日浮寒冰。肯爲南州志異物。一篇跳出字有稜。西寶張萬增比部一夕來五言古二百廿字緊余賦才劇黥淺。彈蕉頰橘都無能。十年塵土壓京洛。歸夢頗憶江南菱。素心兩三隔天末。藥洲旅食均茵馮。袁

珈笄巾櫛侍椒闈秦晉盟成願肯違私語無人誰漏泄但教歸鳥獨南飛

晉圍懷羸○見列女節義傳按列女傳云圍將逃歸謂羸氏曰大鳥飛反鄉狐死首邱子其與我行乎羸氏對曰子行矣吾不敢泄言亦不敢從也詞意略與左氏傳同但中壘列爲節義則與左氏之懷羸復事晉文不同故從列女傳

玉玦蘭閨絮別離貞堅金石得歸期椒庭侍讌重回首笑挽雲鬢指鬢絲

晉文季隗○見左傳又史記晉世家

花驄醉遣怒揮戈夢冷鴛衾惹怨多青鳥果然迎翠輦隔帷欣看晉山河

晉文齊姜○見列女賢明傳按晉重耳歸國左氏不云迎齊姜爲夫人以情揣之姜氏若非朝露先委必與季隗同迎中壘此語當有依據故從之

璣珥妝成襯碧綃新承恩澤侍中宵悔教三日離宮宴孤負金階不早朝

晉文南之威○見戰國策

羽葆亭童正倚欄後宮佳麗盡傾觀玉階徐去搖金步始識傾城一顧難

楚成鄭賢○見列女節義傳

璇閨迎輦罷朝時鄭女梁姬侍翠帷紅袖一時齊掩口六宮甯不妒蛾眉

楚莊樊姬○見韓詩外傳卷二又見列女賢明傳但新序列女傳沈令尹皆作虞丘子道人之梁鄭之閨求美人列女傳梁鄭作鄭衛爲小異耳

酒酣耳熱亂鳴珂醉舞婆娑狎翠娥卻怪君王偏愛士燭闌燈地絕纓多

楚莊美人○見說苑復恩

長離椒屋泣彤闌。姑惡林間鳥語稀。送野停鑾成別賦。差池燕羽故飛飛。

衛姑定姜。○見列女傳。儀傳案。衛定公夫人公子之母。公子既娶而死。其婦無子。畢三年之喪。定姜歸其婦。自送之。于於野。悲心感。乃賦詩曰。燕燕于飛。差池其羽。云云。與毛詩序衛莊姜送歸妾不

同。蓋亦魯詩說也。

金鋪珠戶漏沈沈。雙闕巍峩廣殿深。跪奉玉觴初夜靜。磷磷遙識展輪音。

衛靈夫人。○見列女仁智傳。

阿保相依戀舊恩。泣持白刃淚添痕。紅愁低訴聲聲思。淒斷幽居永巷門。

楚平伯。○見列女貞順傳。

層台遊讖樂忘疲。同穴妃嬪許蔡姬。飛鳥帶雲剛夾日。黃壚誰遣逐狐狸。

楚昭越姬。○見列女節義傳。

徑辭深苑淚漣然。江上悲歌慘扣舷。回首故宮花草地。褐衣歸去又何年。

越句踐夫人。○見吳越春秋句踐入臣外傳。

玉杯金鼎慘生塵。太息蒸魚惹薄瞋。白鶴何因吳市舞。西閭門外鑿池新。

吳王女滕玉。○見吳越春秋閭閻內傳。

信陵書院作追述耆獻三疊仙屏河帥同年韻留別院中諸生

瑞安黃體芳漱二

颯爽鬚眉太史文。原嘗俠氣並時聞。監門上坐猶常事。爲國申威最軼羣。安得屠兒誅嘯喙。并將媼使見

記平原君虞卿列傳痛鋤耘薦紳莫笑衣冠弊此輩肝腸不負君

草蔬飯客淡彌親巾襖高談亦偉人車似難棲偏疾惡釜惟魚在卒全身服邊講授堪連席申夏輶潛恥觸給此後晉材推阮庚藻思還復數安仁

載酒蓬池好物華上頭詩筆最清嘉唐崔司勳廣文肯啖慈恩柿鄭博士度蒙陽人好書苦無紙中尉難

汗宰相麻鄭中尉特功陰諷宰相進擬如統軍德宗用麻寶文場董史直聲青簡上吳諒議競凌儀人

張說謂今董孤云并州偉略白江涯劉文獻人於白江口四戰皆克海軍爲丹吹臺別有三賢蹟祀高常侍

遺甫皆當時寓公也更向荒祠舞楚芭

三館木天深祕地八韓二宋慣聯車最難伯厚持冰鑒宋王公應麟祥符人讀文豈獨元褒校石渠周

鄭州人奉臺閣彈章賴通議呂公諱開封人三居言實皆以河湟諍論有尙書孫公路陳留人兵部尙書

光欲棄河湟路狹輿地圖爭之光曰孔公維雍邱人使高麗王治問禮維對以君誰道

賴以訪君不然幾誤國事議遂止中華夫子如長在臣父子之道治悅曰今日復見中國夫子也

東氣未易除

繁臺重別薛碑昏明汴梁南薰門內舊有麗澤書院後徙於城東南文獻彌多鼎盛門博士榆枋新撰

李公謙祥符人官山西參政忤權貴致仕博學多文好官桑聚舊栽痕甄公鐸祥符人初宰定興勸種桑

父老指示幼者曰子衡績載家藏集王公廷相儀封人歷官中外考績後加太損仲書同國史論王公惟

此甄公桑也刪宋史自爲一家世稱博學君子更羨禹州馬端肅晏然名節峙乾坤馬公文升禹州人史稱其位極利

害屹然如山
不可搖奪

熙朝所鼓以時催洛學昌明滌草萊八子馨香俱沆瀣陳文恭公撫豫時以李禮山及孫夏峰為中州八先生增祀許州七子祠兩河靈秀此胚胎中牟雲集生徒盛韓庵先生從觀祖中牟人主嵩陽書院生徒問業者雲集儀邑天褒禮樂才伯行儀封人官禮部尚書時世宗賜書禮樂名臣類賜之當日黃流勞聖慮得人斯免澤鴻哀四清格公於康熙三十八年督修黃河南岸隄

許公築舍似黃樓時有名流紀勝遊槐市經生同仰芘柳隄詩客亦消愁要將中土絃歌氣一洗邊陲鼓角秋東海八條應可復坐收露紵與魁頭

聞道昔賢憶梁友睢陽雲樹接符離我今欲別難為別人或言癡信自癡世局豈堪如葉落老懷原不為秋悲此祠此院諸君記六十四翁來去時

題沈梅岑大令僊蜨圖即以留別

瑞安黃紹箕仲駿

昔我見僊蜨置酒公定邸公定王循更仁塢別號時同在都中翔集乍迴眄追摹窮畫趾憶初乾隆年祠官親薦飢九重動色咨天章燦繇禩勝流如證緣記詠日填委或疑僊種遺洗揖蕃孫子人閒一毫芒不者見何屢我讀齊物篇周蜨云誰是人物兩蘊栩豈況無彼此楞嚴說化身至不可思議來從無量劫恒沙數未已世人習拘墟乃謂月在指所種本非因覲面滋疑似沈侯有僊骨跌宕盛文史示我真形圖格相應疊紀植鬢首常昂矯翼足仍跂十年塵翳目故人宿草靡開裘感墜歡翩翹猶在視左翅暈空圍剗鑿復誰始孔周圍

若璣大劣逾黍米。有缺斯常完。固知造物理。隆冬百蟲蟄。創見誰敢嘗。異事驚百歲。坡公觀海市。寂寥世外交。寒燠信可恃。我見迨徂夏。羣飛幙明媚。賤同貴獨異。招疑分應爾。君言九見之。南北隨轉徙。今我別君去。後會知何俟。嗟嗟物通靈。人固爲形彛。神交貴淡泊。合離何悲喜。我來君不期。邂逅萍觸水。敲棋落鐙花。有約或失邇。君好定壓與余對局精誠越形迹河山在尺咫。一笑還君圖。歸園看梅蕊。圖梅枝上

題李文石太守明湖秋泛圖

岱陰逶迤截濟瀆。骨走離華才一束。涌泉望海無由趨。萬斛珠璣落鼎腹。大明寺杏楸桐高。歷下亭存荷蓼馥。我侍輶傳三春風。坐臥湖濱飲山淥。晴嵐摩空起南障。時櫂波心拾蒼玉。遠懷濟南名士多。于鱗貼上不可復。柳零一逐寒燕歸。憔悴煙條爲君綠。紅螺公子昔妙年。天藻秀出乾嘉前。豐依芙蓉泛綠水。繁會竽瑟張瓊筵。青簾白舫到秋晚。往往醉筆回春妍。海棠泚邊舊掃石。牛鐸安得黃鐘聯。不惜我歸遽。不惜君來算。但惜湖山明麗無處無。倏忽轉蓬云何住。廿年交臂鬢頭霜。同照黃河濁流處。披尋游蹟墮渺茫。何況白雪夫子翳荒樹。我家甌海君遼河。風雲變態朝皆多。巫閭雁蕩倚天望。念此坐損朱顏酡。即看圖中歌舞意。絳唇玉貌今奈何。但說淨池如明鏡。焉知新水非故波。波流自轉心自定。人濁何由我獨淨。要迴衆生大海光。與君共適濠梁性。浩然東顧發長謳。他日臨流須一證。

王鳳陽丈以吏事巡縣聯舟泛淮阻風羅家口卽次其龍興寺讌集韻

淮流有支渠。風山乏叢樾。賢守席未暄。動作百年慮。丈到官卽上議大吏疏濬水道並諭民以樹藝之法庸音久塞耳。瑤瑟乍一御。

芸芸苦輻飢。茲意已足飫。脈水秋闊激。銜舟夜語絮。排蕩思神功。坊湫資人助。夕陽明遠村。千櫓戢如箸。房湖與蘇隄。愛思有楊署。甘棠民勿翦。嘉樹客猶舉。豈知仁人心。憂勞不自恕。頗聞袁安治。清靜信殆庶。王喬跨僊鳧。退飛怯良馭。謂大令王。小牧。文。聞例當得真。除而不果。授現權。知望江事。平生素心人。落落星向曙。所嗟咫尺遠。迫此宵歸遽。凌晨阻風泊。短棹有長處。霜肅終回颺。流清不憂汚。奉手聊盤桓。目數征帆去。

于湖題襟集

文一

屯師既濟三卦大象通說

歙汪宗沂仲伊

易之書不亡於暴秦。易之傳多亡於僞新。西漢易學立在學官者。施孟梁邱三家之章句。與夫周王孫服光楊何蔡公韓嬰王同丁寬所著之書。均佚不傳。而東漢之言易者。多雜以爻辰卦氣納甲。故京氏易傳尙有存者。後之學漢易者。未有能出其範圍。然究非易之正宗也。夫文王重易。六爻互用。兩卦十二爻。西漢人之微言也。今卽其說引伸之。蓋指二爻互易而成一卦。凡自某卦來。卽以某卦爲本卦。惟乾坤二卦純剛純柔。不從他卦變。至屯卽不得不由卦變。孔子大象爲一卦之象通言。實因一爻互通言。如屯之爲卦自臨來。臨以內卦九二往居五。六五來居二。二爻互易。卽成屯卦。臨有凶。故屯多難也。以臨之教思。裕屯之經綸。則知君子欲發抒用世之學。必先自從師講求始矣。師之爲卦自復來。復之內卦初升居二。二降居初。二爻互易。卽成師卦。復以順行。師卽言行險而順。所謂將軍犯凶門而出也。復閉關而師蓄衆。古者寓兵於農。不輕用兵。用兵者先籌守而後言戰。迷復則不利行師矣。既濟之爲卦自泰來。泰之內卦六二往居五。九五來居二。二爻相互。卽成既濟卦。既濟之水火相交。亦如泰之天地相合。三陽得位。時既亨矣。道既安矣。非有裁成輔相之功用。以幹運而補救之。則患氣多萌於極盛。所謂不備不虞。不可以師也。

綜而論之。十二消息卦中。復十一月。臨十二月。泰正月。三卦相次。三月相接。理不可越。數不可違。一陰一陽之互。一消一息之恆也。故所成之三卦。義皆相協。又三卦皆取象於坎。而師之坎則居內卦。夫兵猶水也。水久儲而不用。則汚。兵久藏而不用。則鈍。器鈍尚可。人鈍奈何。故師上六言。小人勿用。既濟九三言。小人勿用。屯已多難。不敢明言。小人懼滋朋黨之萌。而但曰勿用。其深切著明如此。後之欲學孔門易者。必自會通西漢儒說始。會通西漢儒說。先明重易六爻互用兩卦十二爻始。嗣是而中爻二至四三至五之互卦。乾坤六爻一爻所變之十二卦。筮法本卦之卦所取用。皆可依例以推矣。

乃命羲和至庶績咸熙解

安吉張行孚子中

尙書乃命羲和至庶績咸熙五節。自來講家不知以閏月定四時是堯所創造。是以其解釋每多支離。不獨東作南譌。西成解作辨秩農政。與治歷不合也。夫堯典於協和萬邦後。卽敍堯治歷之事。蓋表堯成天之大烈也。如堯以前已有閏月定四時之法。則順時布政已無乖戾。堯但命羲和在京師治歷象日月星辰足矣。何必更命官四出測驗。且必更對羲和鄭重述古人三百有六旬有六日。以閏月定四時之成法哉。且堯卽偶然述之。亦不足爲堯之大功烈。史官亦何必鄭重紀之哉。若謂堯命官四出測驗。以防合朔交食等之不準。則古聖治歷明時。所重在順時布政。必不因此等事。命官四出。如後代唐明宗元世祖之爲也。蓋嘗思之。唐堯以前雖已有合朔成歲之法。然止知每年三百五十四日。以十二月成歲。而不知每年有三百六十五日有奇。當以閏月定四時而成歲。故行之既久。則歷所謂春者。天猶是冬。歷所謂夏者。

春鳥星初昏方中。至明年春鳥星初昏方中。有幾何日。所謂星鳥是也。以此四事測驗今年春至明年春皆有幾何日。則知今年仲春至明年仲春果有幾何日。而可以正仲春矣。所謂以殷仲春是也。按廣雅云。記五帝紀亦作以正仲春。則知殷有正義矣。蓋以四事測驗今年春至明年春皆有三百六十六日。從可知矣。江氏孫氏皆本康成。以中星測驗仲春。而三句皆以殷連讀。謂是時鳥星方中也。然如其說則惟且既至仲春。則其民將治農事。而布散於野。鳥獸將孳乳而交接。因又以此二者以驗今年仲春至明年仲春有幾何日。所謂厥民析鳥獸孳尾是也。按此二者紀在殷仲春之後。蓋以上四事。此皆義仲測驗春氣之事也。屬義仲者非謂義仲不必測驗夏秋。蓋互文以見義也。其申命義叔也。使之居於南方之交趾。以測驗夏氣。所謂申命義叔宅南交是也。曰大交。然皆無闕大義。總之為義叔南居交趾。測驗而已。其測驗也。辨察今年夏南方所化之物。至明年夏南方此物復化。有幾何日。所謂平秩南訛是也。孫氏云。說文訛。動也。訛。蓋訛之誤。按螳螂生。鹿者。夏至日極北。日景極短。因謹恪辨察今年夏至極北而景極短之日。至明年夏至極北而景極短之日。有幾何日。所謂敬致是也。按測驗日至極北。特言敬者。日至極北。非謹恪視暑之長短。不能知。猶日仲夏日最長。因辨察今年夏日最長。至明年夏日最長。有幾何日。所謂日永是也。大火為仲夏初昏中星。因辨察今年夏大火初昏方中。至明年夏大火初昏方中。有幾何日。所謂星火是也。以此四事測驗今年夏至明年夏皆有幾何日。則知今年仲夏至明年仲夏果有幾何日。而可以正仲夏矣。所謂以正仲夏是也。且既至仲夏。則其民必就高涼之地。鳥獸之毛必希而見革。此二者亦可以驗今年仲夏至明年仲夏。

有幾何日。所謂厥民因。鳥獸希革是也。按四字義從江氏聲。且愚意因或陰之假藉字。與仲
驗夏氣之事也。其分命和仲也。使之居西方之昧谷。以測驗秋氣。所謂分命和仲。宅西曰昧谷是也。至其
測驗之法。敬送今年秋納日之時。至明年秋日入之時。有幾何日。所謂寅饒納日是也。按送亦候也。變候
爲文蓋行文之體。納入也。納日即日入也。馬氏疏錢作淺訓。減則與寅實不對。且不詳。辨察今年秋西方所成之物。至明年秋西方此物復成。有幾
何日。所謂平秩西成是也。如禾八月而熟。八月到。八月而熟。仲秋宵之長短適中。因辨察今年秋宵之
長短適中。至明年秋宵之長短適中。有幾何日。所謂宵中是也。按秋非不測日。春非不測宵。春曰
秋初昏中星。因辨察今年秋虛星初昏方中。至明年秋虛星初昏方中。有幾何日。所謂星虛是也。以此四
事測驗今年秋。至明年秋。皆有幾何日。則知今年仲秋。至明年仲秋。果有幾何日。而可以正仲秋矣。所謂
以殷仲秋是也。且既至仲秋。則其民必去高原而居平地。鳥獸之毛必盛。而可選取爲器用。因又以此二
者驗今年仲秋。至明年仲秋。有幾何日。所謂厥民夷。鳥獸毛毳是也。按夷字義從江氏聲。此皆和仲測驗秋氣之事
也。其申命和叔也。使之居北方之幽都。以測驗冬氣。所謂申命和叔。宅朔方。曰幽都是也。至其測驗之法。
仲冬爲日知至之月。四氣將周而更始。則日躔恒星一周。因辨察此月合朔日躔更易之星。與明年仲冬
合朔日躔更易之星。有何同異。如驗明年仲冬合朔日躔更易之星。與今年仲冬合朔日躔更易之星。相
日然後與今年仲冬合朔日躔更易之星。相同。而古人治曆。皆自冬至起算。仲冬爲首朔。故仲冬合朔日躔更易之星。尤必辨察
既周則日躔之星。相而古人治曆。皆自冬至起算。仲冬爲首朔。故仲冬合朔日躔更易之星。尤必辨察
冬日無物可驗者。所謂平在朔易是也。按此句爲孔訓。爲歲改易於北方。平均察其從月黃黃古逆字迎

也月迎合於日謂之朔則合朔自是朔字本義說文朔訓月始蘇者阮氏元謂漢以日食爲變異故叔重不言其本義其說是也朔又訓北方者古人以仲冬爲首朔而唐虞者阮氏元謂漢以日食爲變異故叔重借爲北也然阮氏又謂唐虞造曆本有定朔四月出月逆食以定四時若交食密合自是後人精古聖人未但汲汲於此蓋厥於晦朔即故本有參差無傷於國政也巧過於古聖其輕西人者則又謂西法皆三代以前所有至後代而亡失流入西域惡謂此皆非公言也平心論之西法未必古時所有也仲冬日最短因辨察今年冬日最短至明年冬日最短有幾何日所謂日短是也昂爲仲冬初昏中星因辨察今年冬昂星初昏方中至明年冬昂星初昏方中有幾何日所謂星昂是也以此三事測驗今年仲冬至明年仲冬皆有幾何日則知今年仲冬至明年仲冬果有幾何日而可以正仲冬矣所謂以正仲冬是也且既至仲冬則其民必就煖避寒而入室內鳥獸必生稟彘之毛因又以此二者驗今年仲冬至明年仲冬有幾何日所謂厥民隤鳥獸氄毛是也按隤史記作煖鄭君作與字雖異總是入室內避寒蓋與此皆和叔測驗冬氣之事也切要則略而不紀且義伯和伯亦未嘗不測驗但其測驗之法已見仲叔四人下故略之逮至義和伯仲叔六人多方測驗多年測驗合而計之大抵四氣一周有三百六十六日而非三百五十四日於是堯舉六人數年所測驗而推步之不禁恍然覺悟對義和而歎之曰嗟乎汝義及和知之乎一基之日乃三百又六十日又六日而非三百又五十日又四日其閒當置閏月以定春夏秋冬四時而成歲然後允能治百官而衆功皆興也向來但知以十二月成歲而未嘗置閏月所以按厯布政與時每有不合不能治百官而興衆功所謂帝曰咨汝義暨和基三百有六旬有六日以閏月定四時成歲允釐百

工庶績咸熙是也。按釐讀爲理故訓治史記作飭飭之義亦爲治也熙與興爲雙聲故假藉其聲作興非
鳴蓋氣盈朔虛每年僅差十日有奇至三年弱而僅盈一月故三年不置閏猶不甚覺其誤必至九年弱而不置閏則差三月而以春爲夏以夏爲秋然後麻法之誤顯然故非測驗十餘年而精於推步者必不能立此法堯以前之麻法必屢誤而屢改逮堯命羲和四方測驗多年而堯又聰明天竄然後能置閏月以定四時而布政有敘實爲千古成天之大功其爲功於千古無窮故史臣詳紀以表而孔子歎其成功之巍巍不然堯典紀堯之功德僅四百餘言而此事獨居四分之一何哉後儒習見置閏之法忘其立法之難不悟春夏秋冬測驗皆爲置閏張本於是僅以堯典中星爲後世歲差所本歸功於堯夫堯典中星雖爲歲差所本然要是後人推闡出不足爲堯之功且如其說則惟所紀中星爲治麻之要而其餘十一事皆爲贅說史臣何爲歷歷紀之蓋非如此測驗則置閏之法不能定所以此五節經文無一字泛設也而馬鄭之徒以羲和爲天地之官以分命申命爲四時之職謂在周卽爲六卿其說何支離也此蓋由誤解經文而謂治麻爲疇人子弟之事未必詳列其官爾然試思未置閏以前豈尋常疇人所能創此法哉後世麻法雖精然試較歷法之有益於民者其功果孰爲大哉考工記云百工之事皆聖人之作此堯典所以詳紀治麻之官也豈必六卿而後詳列哉惟史記天官書謂昔之言天數者於唐虞羲和阮氏元謂羲和是創造麻法之祖深得堯典詳紀治麻之意然阮氏不知羲和測驗專爲置閏定時起見所以於分命申命四節經文仍未得其確解且史記言黃帝迎日推策則堯以前固已有麻法定歲月矣但未置閏

月所以四時未定爾。謂麻法皆義和所創造。固亦未甚確也。行孚至愚極陋自知無似。然於此數節經文。似弋獲其大義。爰願與海內君子共商之。

率西水潄至於岐下解

長沙曹廣權東瀛

縣之詩曰。率西水潄。至于岐下。傳。率。循也。潄。水厓也。箋云。循西水厓。沮漆水側也。孔仲達不詳循此沮漆之地。使箋義茫昧。近休寧戴東原毛鄭詩考正。高郵王伯申經義述聞。長洲陳碩甫毛詩傳疏。嘉應李黼平毛詩紬義。皆不依箋義爲說。蒙謂鄭君云。循西水厓。沮漆水側者。本按度地勢而論。何緣得誤。蓋率之訓云。循水側。據所經過而言。不必順流而下。不離此水也。公劉所居豳地。在今陝西邠州三水縣。今邠州有故豳城。太王所遷之岐。在今陝西鳳翔府岐山扶風縣地。周原在岐山縣東。豳在岐西北。自豳遷岐。西南行正東。乃得至。四章自西徂東。箋云。豳與周原不能爲西東。據至時從水潄言也。其答張逸云。豳地今爲枸邑縣。在廣山北。沮水西有涇水。從此西南行正東。乃得周。故言東西云。岐山在長安西北四百里。豳又在岐山西北四百里。此其所釋地。今以證之。禹貢孟子史記水經注。皆無一舛錯。何以言豳地在沮水西有涇水也。禹貢雍州云。涇屬渭汭。漆沮既從。又導渭水東北至于涇。又東過漆沮。是涇汭漆沮。皆在雍州之域。夏之雍州。跨周之豳地。其渭之東北至涇。又東過漆沮。雖皆指涇與漆沮下流言。與豳無涉。然渭自西來。東流入河。則涇水居沮水之西審矣。水經沮水云。出北地直路縣東。過馮翊投羽縣北。東入于洛。鄭注。沮水東注鄭渠。鄭國閒秦鑿涇引水。謂之鄭渠。據此則沮在鄭渠西北。渠承涇水。涇在沮水之西益明。又漆水云。

出扶風杜陽縣。俞山東北入渭。酈注引山經曰：「瑜次之山，漆水出焉。」北流注于渭，蓋自北而南矣。據今地形，則漆亦北合於涇。自北而後南入渭。元和志：漆水出新平縣西九里，東北流注于涇。唐新平即今邠州。知經云自土沮漆，率西水滸，其間尙須踰一涇水。故酈云有涇水，傳不言涇者，漆水入涇，涇水受漆水處，當亦名漆水。言漆而涇可略，非經之漆沮水滸，祇指涇西之漆，不及涇東之沮也。若泥漆水在今麟遊縣界，去沮甚遠，遂謂去邠始漆水之間，割沮水不屬之邠，則皇澗芮鞬實在直路沮水之西，非公劉所居豳地，而何公劉夾其皇澗芮鞬之間，皆略其地。今考寰宇記：大陵水下引水經注：大陵、小陵水出巡和南，殊川西南逕甯陽城，故豳詩云：「夾其皇澗。」陵水，卽皇澗也。今皇澗水在三水縣北，自甘肅徽寧縣流入西南入於涇。三水縣，周邠國，漢置枸邑縣。正酈志所指之地，則皇澗非在沮水之西，漆水之東乎？漢志扶風汧縣下云：「芮水西北東入涇。」詩芮隄，雍州川也。師古曰：「隄讀與鞬同。」今按，汧水出鳳翔府隴州西四十里，汧蒲藪東流，過長武縣南，而東注於涇，則汧合涇水處，亦近在沮水西。夏官職方氏雍州：「其川涇汧。」注云：「汧在豳地是也。」皇澗與汧皆在沮漆之間，則去邠必自沮漆始。毛詩釋文：芮，又作汧。又按史記周本紀：「古公去豳，度漆沮，踰梁山，止於岐下。」不仍詩率西水滸之文，而言漆沮者，明自豳遷岐，兩涉漆沮之間，踰山越險，非直循漆水之逆流而東，故改稱度以別之。孟子云：「去邠踰梁山，邑於岐山之下。」第言山而不及水，尤與詩詞異。然考漢志：「好時縣下云：『崦山在東。』」有梁山宮。秦始皇起，括地志：「梁山在雍州好時縣西北十八里。」史記正義云：「梁山橫長，其東當陽西北臨河，其西當岐山東北。」今其山在乾州西北五里，縣亘於漢西，正由邠至岐道經麟遊、美陽之間者。

始得踰之。不始涇東之沮，但循涇西之漆，則一踰漆渠杜水，遂已達岐。何故遠迂其道於乾州邪？毛鄭詩論梁山不浮涇入渭，邪之漆水北注，涇非適岐所取道，其於地形甚誤，非是。若水經渭水篇注，漆水出杜陽縣之漆溪，謂之漆渠，漆渠水南流合岐水，至美陽縣，注於雍水云云者，亦一漆水也。然考其地在今麟遊縣西南，爲周之岐境，與邠不相涉。故鄭注但於東北入渭之漆水下引詩自土沮漆率西水，至于岐下，於此不及，則亦安得以此漆釋幽之漆沮邪？然則太王避狄，實自沮水度涇漆之口，依漆水西南之濱，過梁山東，至於岐下，博徵羣籍，參考古今地志，知鄭箋確不可易，故特申之。

毛傳爲王肅所亂考

曹廣權

經傳惟毛傳最古，又最完好無闕，而世多稱其爲王肅所亂。臧玉林經義雜著臧錦堂拜經日記最著此疑王肅太過，而不知反誣及毛公者也。何以言之？肅嫉鄭君之賢，作聖證論以難鄭，又時造僞書以亂傳注之真，欲使後學者據僞書而信其論說之確，遂以伸其難鄭之智耳。其用心不過如此。若取漢儒古注，盡羈雜以己說，當時馬鄭諸本皆行於世，肅不能徧改明甚，豈諸本皆廢？肅本獨行，後人遂習而傳之歟？此必無之理也。顧其中偶有一二爲肅所亂，如陸德明釋文谷風，不我能愔云，能愔，許六反，毛興也，鄭驕也，王肅養也，說文起也。又思齊詩古之人無斃，譽髦斯士云，一本此下更有古之人無厭於有譽之俊士也，此王肅語。二條確爲肅亂傳顯證。然觀釋文所列，則當時諸本具在，肅所傳本，陸氏已檢校犁晰，舉肅語屬之，肅而不以之亂傳矣。其肅所傳本，蓋亦爲王肅之學，如孔晁之徒者，竄肅語入傳，其所傳未必廣其所亂，蓋亦無幾也。

卽孫毓素朋於王者。不我能愾正義云。孫毓引詩云。愾興則又晉時定本。未爲肅亂之一證。如臧氏極意搜剔毛舉細故。竊未敢謂爲信然也。至於皇矣詩爰爰度傳。度居也三字。指爲肅所私譏。尤屬臆揣。何也。度謀之訓。雖本爾雅。然此箋與傳隨文解釋。各判然不同。不僅度訓爲異。又文選典引正位度宗。蔡注云。度居也。伯喈先於子邕所釋若是。其故訓必承之漢儒。謂毛傳必非訓居。抑欺人之語也。蒙謂傳亂於肅。惟釋文二條可據。故引之。無古本可校。則不敢附會以成己說。而妄斥前人。果若是。則是傳不亂於肅。而恐亂於指肅亂傳者之紛紛也。

禮記中有漢人書考

曹廣權

隋書經籍志小戴記四十六篇。馬融益月令一篇。明堂位一篇。樂記一篇。合四十九篇。月令明堂位樂記。此三篇後人所疑爲漢人書者也。竊嘗讀何劭公公羊傳注。疑禮記中有漢人書。並不止月令明堂位樂記三篇。考今曲禮王制禮器郊特牲。大傳樂記祭義文皆有與何氏注略同者。而何氏之注。引易繫辭。引尚書。皆先標其目。引論語或云論語曰。或云孔子曰。至引戴記。則皆以禮冠其端。甚或云禮記曰。禮記中庸曰。且有誤記爾雅。天子造舟。數語爲禮文者。誤記禮說。天子旂十二旒爲禮記。玉藻文者。此何注引書必明出處之體例也。至於散見注中。與今禮記文無異。而並不標以禮名。則其爲漢人之語可知。如隱元年傳注。改正朔。易服色。殊徽號。異器械。今大傳文也。隱五年傳注。樂由中出。禮自外作。今樂記文也。桓二年傳注。古者諸侯五國爲屬。屬有長。二屬爲連。連有帥。三連爲卒。卒有正。七卒爲州。州有伯。今王制文也。

桓二年傳注。齊之日。思其居處。思其笑語。思其志意。思其所樂。思其所嗜。祭之日。入室。僂然必有見乎其位。周旋出戶。肅然必有聞乎其容聲。出戶而聽。僂然必有聞乎其歎息之聲。今祭義文也。桓四年傳注。天子二十有六。諸公十有六。諸侯十有二。卿上大夫八。下大夫六。今禮器文也。桓四年傳注。天子親袒而割牲。執醬而餽。執爵而醕。冕而總干。先王之所以治天下者有五。貴有德。爲其近於道也。貴臣。爲其近於君也。貴老。爲其近於父也。敬長。爲其近於兄也。慈幼。爲其近於子弟也。亦今祭義文也。桓八年傳注。君子生則敬養。死則敬享。又云宮室既修。牆屋既繕。百物既備。序其禮樂。具其百官。又云散齊七日。致齊三日。夫婦齊戒。沐浴盛服。君牽牲。夫人奠酒。君親獻尸。夫人薦豆。卿大夫相君。命婦相夫人。洞洞乎。屬屬乎。如弗勝。如將失之。濟濟乎。致其敬也。愉愉乎。盡其忠也。勿勿乎。其欲其饗之也。文王之祭事死。如事生云云。皆今祭義文也。又注云。天子置三公九卿二十七大夫八十一元士。今王制文也。莊四年傳注。龜曰卜。蓍曰筮。今曲禮文也。僖三十年傳注。於南郊。就陽位也。器用陶匏。大珪不琢。大羹不和。今郊特牲文也。僖三十三年傳注。介冑不拜。爲其拜如蹲。宣元年傳注。古者刑不上大夫。宣十有二年傳注。諸侯自稱曰寡人。皆今曲禮文也。成十有七年傳注。晉人將有事於河。必先有事於惡池。齊人將有事於太山。必先有事於蜚林。魯人將有事於天。必先有事於泮宮。今禮器文也。當時雖不知。劭公所據何書。而纂禮記者。據其說而增修之。雖文字微有異同。要其爲漢人之語。校然分明。何劭公傳注。言禮家罕有舉其說。姑申愚管。著於篇焉。

射侯考

張行孚

射侯之制傳注諸說參差愚嘗參考經文輔以傳注得其大略竊謂侯之中以布方十尺爲本鄉射記云侯道五十弓弓二寸以爲侯中中十尺是也按每弓取二寸爲度故侯道五十弓則中方十尺也鄭注云梓人爲侯廣與崇方則知侯中之形方矣鄭注云今官布幅廣二尺二寸旁削一寸故布五尺則知方十尺也此據侯道五十弓言以下皆然其七十弓侯道九十弓侯道之射侯但依此數遞加卽得之矣中布上下各加接布一幅每幅長二十尺以成侯身鄉射記云倍中以爲躬鄭注云躬身也謂中之上下幅各用布二丈是也侯身之左右各以布一幅接長上下所加之布以爲舌鄉射記云信躬以爲左右舌是也按信讀爲伸假藉字也鄭注云左右出謂之舌蓋謂其形如舌也所接長之布上幅左右各長二丈鄉射記云上个五尋考工記云上两个與其身三是一也幅用布四丈則知左右各長二丈矣侯身二丈故上两个與侯身均分之則爲三下幅左右各長一丈鄉射記云下舌半上舌考工記云下两个半之是也舌之末復接繩八尺纏布之外以爲固考工記云上綱與下綱出舌尋鄉射記鄭注云綱持舌繩是也繩之末復有一寸之紐持之考工記云縝寸焉說文云縝持綱紐是也然則中庸云失諸正鵠正鵠者何物也曰正卽侯中十尺布之名也詩曰終日射侯不出正兮則知正者侯中受矢之處也鄉射儀乏參侯道大射儀設乏鄭注云容謂之乏所以爲獲者禦矢也鄉射儀注鄭注義同則知乏者唱獲者所以避矢之物與正相反者也而左傳云於文反正爲乏說文訓乏字卽引左傳然則正爲侯中布之本字固有明徵矣其字或假藉爲中正之正者以正布居侯之中也或假藉爲方正之正者以正布之形方也或假藉爲反正之正者正爲受矢之物射以中矢爲

正也。正或作璽者。後出字也。按璽錄或作質者。假藉字也。互詳釋蓋卽字義推之。而正爲侯中十尺布之名彰然矣。鵠者居正中三分之一。考工記云。梓人爲侯。廣與崇方。參分其廣而鵠居一焉。周禮司裘。鄭注云。侯中一丈者。鵠方三尺三寸。少半寸是也。考射侯高廣如一而方者。惟中十尺布爲然。而惟正字有中正方正之義。與廣與崇方之說合。則知所謂廣與崇方而鵠居一者。其爲居正布中三分之一無疑矣。詩賓之初筵。篇正義引賈逵周禮注云。正大於鵠。鵠在正內。其說不可易也。其爲鵠也。天子諸侯及天子之卿大夫。則以皮爲之。周禮司裘王大射。則共虎侯。熊侯。豹侯。設其鵠。諸侯則共熊侯。豹侯。卿大夫則共麋侯。皆設其鵠。先鄭注云。以虎。熊。豹。麋之皮方制之。謂之鵠。著於侯中。此其證也。諸侯之大夫士。則畫布以爲之。鄉射記。大夫布侯。畫以虎豹。士布侯。畫以鹿豕。鄭注云。虎豹鹿豕。正面畫其頭象於鵠。此其證也。按文熊侯麋侯。據周禮司裘指鵠而言。則此布侯亦指鵠而言。可知惟皮鵠別以皮設正布之中。間射儀注所謂棲皮曰鵠是也。布鵠當是畫鵠象於正布之中。間而不別用布蓋尊卑詳略之分也。正布中三分之一。既設鵠。其餘四旁六分之二。皆畫雲氣。如天子之正布。則以五色畫雲氣。周禮射人王五正。鄭注云。畫五正中。朱次白。次蒼。次黃。元居外。又云。以雲氣用采。此其證也。按侯中除設皮鵠之外。其餘皆注云。畫五正中。朱次白。次蒼。次黃。元居外。又云。以雲氣用采。此其證也。是布故雖已畫雲氣。仍謂之正。諸侯之正布。則以三色畫雲氣。周禮射人諸侯三正。鄭注云。三正。損元黃。此其證也。孤卿大夫士之正布。則以二色畫雲氣。周禮孤卿大夫士二正。鄭注云。去白蒼而畫以朱綠。此其證也。畫棄白蒼而加以綠也。其正布當未設鵠。未畫雲氣之先。天子則以純白采布上爲地。鄉射記云。天子熊侯。白質。鄭注云。白質。謂采其地。其地不采者。白布是也。按實爲正之假藉字。白質者。謂天子以熊皮爲鵠。而其正布方十八尺者。色皆白也。此十八尺。白正布。以其中三分之一。設皮鵠。以其四旁六分之二。畫

雲諸侯則以純赤采布上爲地鄉射記云諸侯麀侯赤質是也。按麀侯赤質者謂諸侯以麀皮爲綢而其氣猶大夫麀侯而此言諸侯麀侯者諸侯在王國則王龍興之地故用熊侯豹侯在諸侯之大夫士則以其國實與王之卿大夫同爵故仍用麀侯孟子云天子之卿受地視侯此其證也諸侯之大夫士則以純丹采布上爲地鄉射記云大夫布侯畫以虎豹士布侯畫以鹿豕凡畫者丹質是也。按布侯丹質者謂餘四旁之正布色皆丹也言凡者謂大夫與士凡畫布爲綢而不以皮爲綢者皆然也鄭注謂凡畫者丹質句指賓射之侯燕射之侯言然則大夫士之侯其正布何色爲地乎知不然矣然則又謂之侯謂之臬者何也曰侯與臬皆大名也以其張布而侯人發矢則謂之侯故其字從人從厂從矢從人從厂象人張布也從矢者謂矢著其上也說文云侯從人從厂象張布矢在其下此其證也。按侯古文作義更合以其木植於地而爲射之準的則謂之臬故其字從木從自從木者謂侯之兩旁用木植於地也從自者自古鼻字謂侯如人之鼻在面中間射者所取準也說文云臬射準的也爾雅云在地者謂之臬此其證也然則又謂之的者何也曰的者指侯中之正鵠言也侯中之鵠既棲以皮又畫以獸形侯中之正其地既白朱丹異色又畫以雲氣二者皆明明可見故說文的字訓明正鵠謂之的者以其明明可見也凡物之在中而明明可見者皆謂之的故馬之白額者亦謂之的其字又作駒易說卦爲的額李氏集解云的白額額也說文的字下引易爲的額駒字下又引易作爲的額云駒馬白額也與集解合皆其證也蓋嘗總而論之侯與臬者射侯之大名也射與身者合侯中方十尺與中上下所加之布言之其廣二十尺其高十四尺也正者指侯中之方布言之其廣與高皆十尺也。按據爲正後出之字實爲正假藉字與正字音義同鵠者指居正中三分之一之皮與布言之其高與廣皆三尺三寸三分寸之一也。按此段皆據五十弓侯道之射侯言的者指正鵠二

事言之也。射侯之名義。與其制度之高廣盡於此矣。或曰。如子之說。則正大而鵠小矣。然周禮司裘。鄭注云。以虎熊豹麋之皮方制之。以爲羣。按。即羣之壞。蓋即正也。一經音義引周禮注作羣是也。謂之鵠。著於侯中。詩。猗嗟。鄭箋云。正所以射於侯中者。外皆居侯中三分之一。此二說皆謂正與鵠之大小相同。與子之說不合何也。曰。此乃先儒考之未詳而誤者也。請以三證明之。考工記云。梓人爲侯。廣與崇方。而鵠居一焉。考射侯之廣與崇方者。惟中布爲然。鄉射記鄭注云。中方者也。用布五丈是也。按。射侯廣二十尺。而崇十四尺。即不方。鄉射記鄭注云。白質赤質。皆謂采其地。不采者白布也。據此。知質指中布而言。而質爲正之假藉字。知正即考工記所謂廣與崇方者。其大於鵠而非即鵠。其證一也。鄉射記云。凡侯。天子熊侯。白質。諸侯麋侯。亦質。據周禮司裘。先鄭注。所謂熊侯麋侯者。即熊皮麋皮之鵠。則知所謂熊侯白質者。言熊皮之鵠。則設於白采正布之中。所謂麋侯亦質者。言麋皮之鵠。則設於赤采正布之中。故周禮於熊侯麋侯下。又云。設其鵠。先鄭注。所云以熊麋之皮制之爲鵠。著於侯中是也。著於侯中。據鄉射記。乃是設於正布之中。即考工記鵠居其一之謂。周禮司裘先鄭注。又謂熊侯麋侯。即羣者。但未會通鄉射記。且未悟鄉射記之質字。即正與羣之假藉字爾。然試思質字之本義。既與射侯之義絕遠。按。說文云。質以物質錢。苟非正與羣之假藉字。果爲何字之假藉字乎。則正之大於鵠而非即鵠。其證二也。鄉射記云。大夫布侯。畫以虎豹。士布侯。畫爲鹿豕。凡畫者。丹質。蓋謂大夫士則畫虎豹鹿豕於丹采正布之中。以爲鵠而不復用皮。蓋大夫士位卑。故不盡飾也。夫大夫士之鵠。既畫虎豹鹿豕於正布之中。則天子諸侯之鵠。亦設虎熊豹麋之皮於正布之中可知。而正之大於

鵠亦見。蓋皮鵠既設於正布之上。若鵠與正同大。則正爲鵠所掩。諸侯之射不得復中正。而詩美魯莊公之射云。不出正兮。則正之大於鵠。而非卽鵠。其證三也。蓋正鵠之制。惟詩賓筵正義引賈逵周禮注云。正大於鵠。鵠在正內。爲得其實。其餘諸說皆與經義不盡合矣。或曰如子之言。正之小者亦方十尺。而毛公爲六國時人。去古最近。其詩猗嗟傳亦曰二尺曰正。與子說迥異。何也。曰毛傳二尺或爲十尺之譌。若謂正方二尺。則較三尺三寸之鵠更小。按鄉射之侯中十尺鵠居侯中三分之一。知爲三尺三寸。而在鵠之中矣。考工記何以但言鵠居侯中三分之一。而不言正居鵠中幾何也。且侯中則布所爲矣。鵠則皮與畫所爲矣。若果鵠中別有二尺之正。諸書何以不言何物所爲。由是言之。正爲十尺之布。而非二尺明矣。今毛傳二字當是十字爛文。蓋十字爛其下半。則成上。寫書者不知侯制。遂作二矣。自毛傳既謬。侯制更無定說。於是鄭衆馬融則云四尺曰鵠。二尺曰正。四寸曰質。王肅引小雅則云鵠中謂之正。正方二尺。正中謂之槩。方六寸。紛如歧路矣。此皆由不知質爲正之假藉字。故於正鵠外增質之名。而侯制成爲侯中。鵠正質四層矣。然考儀禮周禮及各經子言正則不言質。言質則不言正。可見侯制止正鵠兩層。正方十尺。鵠方三尺三寸而已。按此指射侯言。若天子則正方一丈八尺。鵠方六尺。諸侯則正方一丈四尺。鵠方四尺。有奇。射能中鵠固謂之中。卽不中鵠而中正。亦謂之中。惟矢出於正外。不得謂之中矣。故詩人以不出正美莊公。而射義亦以失諸正鵠爲不中也。惟正大於鵠。故天子諸侯之鵠則設皮。而正僅繪畫。大夫士之鵠則繪畫。而正僅采地。蓋鵠爲難中。故盡飾正爲易中。故不盡飾。此又正鵠大小等差之可驗者也。然鄉射記言白質赤質丹質。而不言白布赤布丹布者。又可見惟正布采

見義也。乃鄭君誤會考工記之文。謂天子諸侯之侯。或有鵠無正。或有正無鵠。或畫獸形於正鵠。於是以射人之射三侯。爲五正三正二正之侯。以射人之張三侯。爲虎皮爲鵠熊皮爲鵠豹皮爲鵠之侯。以鄉射之熊侯麋侯。爲畫熊麋頭象於正鵠之侯。遂以三侯化爲九侯。愚按射人前言以六耦射三侯。諸侯以四耦射二侯。孤卿大夫以三耦射一侯。表明天子諸侯孤卿大夫侯制之等差也。後言以狸步張三侯。表明射人張三侯之法也。其曰狸步者。狸讀爲離。鄭司農謂一舉足爲一步。於今爲半步。是也。蓋天子之侯九十弓。若如尋常以一弓爲一步。長而難中。恐形天子之拙。故短其步以優君。如大射儀中離維綱。揚觸柶復。公則釋獲。衆則不與。注謂優君是也。其曰若王大射。則以狸步張三侯者。此大射包燕射賓射而言。謂凡王之大射。皆以狸步張三侯。而不以尋常之步張之。故射人但言大射。不別言燕射。若謂此三侯爲虎侯。熊侯。豹侯。異於上文五正。言正二正之三侯。則射人張上文之三侯。豈不以狸步乎。且鄉射記所云天子熊侯。謂天子之侯以熊皮爲鵠也。諸侯麋侯。謂諸侯之侯以麋皮爲鵠也。按天子言熊侯。而不言虎侯。則天子大射當用熊侯以下也。諸侯言麋侯。而不言熊侯。當據諸侯在於其國言。蓋司裘言諸侯共熊侯。據諸侯射於王所。言若諸侯射於其國。則當同於天子之卿大夫。故用麋侯。孟子云天子之卿受地視共。麋侯此其證也。大夫布侯。畫以虎豹。士布侯。畫以鹿豕。謂大夫士之侯。則卽以正布畫虎豹鹿豕爲鵠。而不復用皮也。據此則鵠之以皮以畫。正天子諸侯大夫士之等差。若謂考工記所云五采之侯。僅畫五采爲正。而不復以皮爲鵠。是以天子極大之事。而其射侯反同於諸侯之大夫士。何以別等威乎。況射儀云。爲人父者以爲父鵠。爲人子者以爲子鵠。爲人君者以爲君鵠。爲人臣者以爲臣鵠。故射者各射己

之鵠。則射侯以鵠爲重。而莫不有鵠明矣。如五采之侯。僅有正而無鵠。則人君無以爲鵠矣。豈非與射義大相倍乎。鄉射記之熊侯麋侯。與司裘同文。其爲熊皮爲鵠之侯。麋皮爲鵠之侯無疑。而鄭君又謂此爲畫獸之侯。非卽司裘所共之熊侯麋侯。其說益支離矣。或曰。子言下舌左右各長一丈。而鄭注云半者。半其出於射者也。用布三丈。是下舌左右各長一丈五尺矣。復與子言不合何也。曰。此鄭君誤解考工記上兩個與其身三句。謂侯身二丈。上兩舌四丈。合之得六丈。下兩舌半之。當得三丈也。愚按鄉射記明言下舌半上舌。則下舌固僅得上舌之半。不得合侯身計之矣。考工記之下兩個半之。亦謂得上兩個之半。非合侯身計之。其曰上兩個與其身三者。蓋不言其身。則上兩個無從取度。故設言之。謂如身廣一丈。則上兩個各一丈而爲三丈。身廣二丈。則上兩個各二丈而爲六丈也。戴吉士考工記補注云。上個左右出各丈八尺。下個左右出各九尺。則戴氏亦據鄉射記爲說。而不從鄭君矣。至鄭君據中人張臂八尺。張足六尺。謂上個象臂。故五八得四十尺。下個象足。五六得三十尺。此尤未爲通論。夫鄉射記所記侯制。但據五十弓之侯道言爾。若七十弓之侯道。上個當用布五丈六尺。下個連侯身言。則當用布四丈二尺。不連侯身言。止當用布二丈八尺。亦豈得謂象人之臂足乎。其九十弓之侯道。更不待言矣。或曰。如子之言。則鄭君考工記注謂侯制上廣下狹。取象於人之臂足。其說亦非乎。曰。非也。考侯身上廣二丈。下亦廣二丈。則侯之廣上下如一甚明。若果上廣下狹。則侯身上廣二丈。下廣不得有二丈矣。鄭注鄉射記。何以云中之上下幅用布各二丈也。至上舌長二丈。而下舌僅得一丈者。鄭司農謂兩個之布。所以維持侯者是也。維

持侯下易固而上難固。故上維持侯。須用布二丈。纏繞於植方已。下維持侯。但用布一丈。纏繞於植即可也。鄭君誤以上舌下舌爲侯身。遂謂侯制上廣下狹。果如其說。侯之植於地既難固。而九十弓之侯道。其侯將上廣十丈八尺。雖古尺斛小。恐無此制。故俞曲園先生亦謂古侯制橢方。則鄭君之說。通儒早覺其未埒矣。然則鄭君又以正鵠爲鳥名。謂鵠卽鴝鵒。正卽題肩。其說何如。曰。經旣明言天子諸侯。則以虎熊豹麋之皮爲鵠。大夫士則以畫虎豹鹿豕爲鵠。是其所以服猛之意。已較然甚明。更何取乎鳥之捷黠。然則鄭君是說。或亦從而爲之辭也。愚按侯中之布名正。當以其中而方。故正有中正方正二義。鵠爲假藉字。其本字疑當作格。凡形之方正者。古今皆謂之格。說文云。格。木長兒。蓋木之長者。可以成方格也。故格字可訓。正後漢書云。朝廷取其方格。蓋言取其方正也。射侯之中。以皮方制之而設焉。故謂之格。射義云。爲人君者。以爲君鵠。蓋言爲君者。以此爲君之格式也。爲人臣者。以爲臣鵠。蓋言爲臣者。以此爲臣之格式也。君鵠臣鵠之鵠。必作格字解。方得其義。格與壇雖有大小。同爲侯中方正之物。而必變言格者。所以別乎壇也。或曰。鄭君經學大儒。於三禮尤深粹者。王肅注經。好與鄭君違異。爲近世儒者所譏。子之說。毋乃蒙王肅之譏乎。曰。王肅思掩鄭君之長。故與鄭君違異。若愚不過偶有所見。略與鄭君不同。豈故爲違異者比乎。況下舌三丈之制。上廣下狹之形。戴俞兩先生已言其誤。愚之說不過因而引伸之爾。庸足病乎。若夫心知其說之非。猶委曲回護。以就其說。愚實不敢效尤。豈敢畏當世之譏。而因噎廢食乎。且愚說之是非。當世之君子自能辨之。於鄭君無加損焉。

周步考

張行孚

漢儒釋經皆據司馬法六尺爲步立說。愚嘗以經史考之。有以知其必不然也。史記秦始皇本紀於改年十月朔下。卽曰數以六爲紀。符法冠皆六寸。而輿六尺。六尺爲步。乘六馬。夫秦始皇勇於改古法者也。使周制本六尺爲步。則秦始皇必改爲七尺或五尺。始可謂之改法。若猶是六尺。不惟非皇皇之本心。史記何以次於改年十月朔下也。且史記曰。輿六尺六尺爲步。則步之數固以輿爲準矣。然周之輿制。卽考工記固明明言六尺六寸也。且不惟輿六尺六寸而已。凡輪崇衡長莫不六尺六寸。而車人且明言六尺六寸。與步相中。此亦可見周步之爲六尺六寸矣。鄭注狃於司馬法。曲以內弦六尺爲一步之數。而反去經文六尺六寸不從。夫六尺六寸與步相中。經之明文也。若果六尺爲步。則經何不言弦內六尺與步相中。而必云六尺六寸與步相中乎。且六尺六寸之可據者。尤可參之各處而知也。射人以狸步。張三侯。而其道各以弓爲度。故後人又名步曰弓。考工記云。弓長六尺有六寸。謂之上制。弓長六尺有三寸。謂之中制。弓長六尺。謂之下制。又可見上制之弓。與輪輿之數同。乃鄭氏注射人職。解五十弓七十弓。獨引弓之下制六尺爲證。夫弓之制。旣以六尺六寸爲上。而其量侯道。必從六尺之下制。果何異乎。可見鄭氏經解。誠冠古今。而此處因襲舊說。未必無牽就也。蓋嘗考秦之六尺爲步。始於商鞅。史記商鞅傳集解。引新序。商鞅治秦。步過六尺者有罰。是蓋因古六尺六寸爲步。則田畝寬。改爲六尺。則田畝增。而賦稅加益。此尤足爲下令墾草時變古法之明證。始皇以六爲紀。六尺爲步。祖鞅法。實遵祖制也。若不然。而周人素以六尺

爲步。鞅亦何必防其過六尺之制乎。或曰。信如子說。則王制所云周尺八尺爲步。周尺六尺四寸爲步。果何代之制也。曰。此說也。孔氏廣森嘗言之矣。其言曰。考工記云。六尺有六寸。與步相中也。王制云。今以周尺六尺四寸爲步。篆文𠂔𠂔二字相似。此四寸亦六寸之誤。其下言古者百里。當今百二十一里六十步四尺二寸二分。八尺之步百里。以六尺六寸之步除之。適得百二十一里有餘。大數相符。由是言之。周尺者周十寸之尺也。王制所云古者以周尺八尺爲步。謂殷步於十寸之尺得八尺也。今以周尺六尺六寸爲步者。謂周步於周十寸之尺得六尺六寸也。今王制六尺四寸。乃六尺六寸之譌耳。獨斷言夏以十寸爲尺。則所謂周尺者。指夏尺而言也。今誠以算術課之。若以八尺與六尺四寸爲步。而較古今田畝。則必以今步六尺四寸自乘得四十尺空九十六寸爲一率。古步八尺自乘得六十四尺爲二率。田百畝一萬步爲三率。二率三率相乘一率除之求得四率一百五十六畝二十五步。爲古者百畝。當今田之數。與經文百四十六畝三十步不相符。卽以八尺與六尺四寸爲步。而較古今里數。亦必以六尺四寸與每里三百步相乘。得一千九百二十尺爲一率。古步八尺爲二率。每百里三萬步爲三率。二率三率相乘一率除之求得四率一百二十五里。爲古者百里當今里之數。亦與經文百二十一里六十步四尺二寸二分不相符。此可見今步六尺四寸之有誤也。惟以古八尺與今六尺六寸爲步。而較古今田畝。則試以今步六尺六寸自乘得四十三尺五十六寸爲一率。古步八尺自乘得六十四尺爲二率。四百畝一萬步爲三率。求得四率一百四十六畝九十二步四千三百五十六分步之一千六百四十八。爲古百畝當今東田之數。雖與經文亦不盡合。而

所差止六十二步有奇矣。卽以古八尺與今六尺六寸爲步。而較古今里數。則試以六尺六寸與每里三百步相乘。得一千九百八十尺爲一率。古步八尺爲二率。每百里三萬步爲三率。求得四率一百二十里六十三步四尺二寸。爲古百里當今里之數。蓋與經文不合者止三步二分矣。且殷步八尺。周步六尺六寸。以殷人七十而助。周人百畝而徹較之。尤爲可據。試以古步八尺自乘得六十四尺。再與每畝百步相乘。得六千四百尺爲一率。以今步六尺六寸自乘。得四十三尺五十六寸爲二率。百畝萬步爲三率。求得四率六十八畝六十三步十一分步之七。爲殷步八尺。除周百畝之數。較之殷七十畝。僅少一畝三十六步有奇。則顧亭林及諸家所謂尺步有長短。非授田有多寡。而朱子所謂大數則然。不必寸寸推之者。以此。亦可得其實矣。若謂周以六尺四寸爲步。或以六尺爲步。則所差甚多。何由合也。故由是推之。八尺者殷步也。六尺六寸者周步也。六尺者秦步也。漢承秦制。亦六尺爲步。漢書所謂天子與共六尺輿者是也。惟夏步無徵。不能臆測。至王制所謂東田者。尤可見此說在於周末。蓋據左傳。晉欲齊之封內。盡東其畝。則春秋時猶東南其畝。惟周末秦日強大。挾制山東諸侯。盡東其畝。以利戎車。由是盡爲東田。則爲此說者爲周末人無疑。愚因孔氏之說而推廣之。後之人舉他處此尺步相關者更爲詳考。斯知之矣。

東部侯國考

張行孚

續漢書郡國志會稽郡有東部侯國。錢氏大昕續漢書考異。謂漢時未見有封東部侯者。東部侯國。當卽東侯官之訛。引宋書州郡志爲證。又據鄭巨君傳注。該章安卽回浦。治卽東侯官。各不相涉。志以章安爲

故治疑未可信。愚嘗參考諸志。竊謂錢氏前說謂漢無東部侯。則是。謂東部侯國卽東侯官之訛。則非。其後說謂志以章安爲故治。未可信。亦非。何以言之。謹案前漢書百官表及續漢書百官志。每屬國置都尉一人。此都尉之置於屬國者也。邊郡又置屬國都尉。此都尉之置於邊郡者也。每郡置都尉一人。此都尉之置於內郡者也。至後漢建武六年。省諸郡都尉。并職太守。光武紀云罷都尉官。由是惟屬國邊郡有都尉矣。其後雖永元二年。復置西河上郡屬國都尉。陽嘉二年。復置隴西南部都尉。官及安帝復置右扶風都尉。京兆虎牙都尉。然終不聞復置會稽何部都尉。而會稽東部都尉之名。則一見於順帝紀。陽嘉元年。再見於揚雄傳。孟康注。三見於律志。劉昭注。而見於金石錄。隸鐵者。爲永平中路君闕。尤在東漢初。可見會稽東部都尉。建武時以其同在邊郡。與屬國都尉一例。未可裁省。故改南部都尉爲東部都尉。而徙回浦都尉治於章安。浙江通志云東部都尉在章安。然則此所謂東部侯國。乃東部候官之譌。其曰東部候官者。明其地有東部都尉。而候官爲東部之屬縣。與上郡龜茲屬國下有候官一例。百官志所謂邊郡往往置都尉。及屬國都尉稍有分縣治民。比郡是也。考郡國志。涼州總結候官與縣道並列。今候官譌爲侯官者。但展轉傳寫所致爾。然郡國志張掖屬國下尙作候。則固猶有不譌者也。三國志虞翻傳。稱翻到東部候官。說其長迎朗。可見東部候官四字。乃當時成語。故郡國志固之。其候官之所以譌爲侯國者。涉別郡侯國而然。若謂東部侯國是東侯官之譌。則改三字爲四字。變亂已甚。校書者有不覺乎。且何以明會稽有都尉之官也。或

曰凡都尉外稱屬國。內稱部。今稱東部與內郡一例。何以其分縣亦稱候官。且宋書州郡志何以有東侯官之名也。曰龜茲屬國。則主龜茲人之降者。犍爲屬國。則主犍爲人之降者。故得專稱何地。若東部都尉。凡三韓。夷州。澶州等。諸在東者。皆所統屬。不得專稱何地。故稱東部以統之爾。至宋書州郡志所云東侯官者。因當時已無東部都尉。故誤奪部字。考文選爲蕭揚州薦士表。止稱侯官令。並無東字。則宋書之誤顯然。非漢時已有此名也。若夫志以章安爲故治。而錢氏謂章安卽回浦。此不知章安回浦之一而二也。夫章安雖卽回浦地。然考浙江通志。回浦舊治。在今奉化縣回浦鄉。卽郡國志所引元康記。本鄞縣之迴浦鄉是也。章安舊治。在今黃巖縣章安鎮。卽後漢徐登傳注所云章安故城。在今台州臨海縣東南是也。奉化縣黃巖相去幾三百里。黃巖正秦閩中郡。漢初東粵地。具見漢書閩粵傳。西漢必以其地屬治。而不屬回浦。故志云章安故治。逮東漢以治地太遼闊。因割治縣北境東甌等地。合西漢回浦爲章安。而其南境則改爲候官。故章安實奄有治縣北境。不得以東漢無回浦縣。謂回浦卽章安。而疑章安非故治地也。至錢氏以鄭巨君建武八年爲大司農。其時尙稱東氏。因疑志謂光武更治爲章安爲非。愚按志言更治爲章安。仍指治之北境言。其南境蓋已稱爲候官也。巨君所云東治。乃是稱其舊名。卽指候官。如後漢已無治縣。而東夷傳皆稱東治是也。據三國志以後皆稱東治爲候官。而不言此縣建自何時。則承東漢之舊可知矣。故郡國志無復治縣之名。自候官譌爲侯國。而西漢回浦治縣兩縣地俱茫然無辨矣。故雖如錢氏史學湛深。絕非淺學所敢仰望。而於此條不能無疑也。

小學說

張行孚

昔宋賢朱子采掇曲禮少儀內則弟子職諸篇之文。謂之小學。近世儒者深非之。以爲小學者六書之學。而非洒埽應對進退之謂。愚嘗參考經傳。竊謂漢書藝文志以史籀倉頡諸篇爲小學。許氏說文敘以不諷史書爲小學不修。則六書固小學也。曲禮少儀內則弟子職諸篇所說洒埽應對進退之節。莫非小子之事。而漢書食貨志亦云八歲入小學。始知室家長幼之節。則小子洒埽應對進退之節亦小學也。今必以宋賢所謂小學者爲非。則將以曲禮少儀內則弟子職爲非乎。抑將以漢書食貨志爲非乎。且不惟漢書食貨志而已。凡尙書大傳賈誼新書及大戴禮。或曰年八歲學小藝焉。履小節焉。或曰年十三見小節焉。踐小義焉。夫所謂學小藝見小節者。固六書九數之類也。而所謂履小節踐小義者。非洒埽應對進退之節乎。且近儒所以宋儒爲非者。特以曲禮少儀內則弟子職諸篇並未有小學之名爾。然愚謂小學之名見於王制。本據所學之地而言。必以曲禮少儀內則弟子職諸篇無小學之名。卽不得謂之小學。則五經中固亦未嘗以六書爲小學也。將六書亦不得謂之小學乎。且夫小學者所該甚廣。顏師古云小年所學。謂之小學是也。故保氏教國子兼言六藝尙書大傳新書大戴禮言小學兼及小藝小節而食貨志言小學凡六甲五方書計之事及室家長幼之節莫不隱括之。至藝文志小學篇僅及六書者。非以六書該小學特以洒埽應對進退之節散見於五經而不能徧舉也。故許氏說文敘亦惟曰周禮八歲入小學保氏教國子先以六書而已。未嘗闕其餘事。而云保氏教國子專以六書也。今乃牽泥藝文志而專以六書

爲小學。夫小學而誠專一六書也。則諸書何不曰八歲學六書。而曰八歲入小書也。信如近儒之言小學。吾恐洒埽應對進退之節。固曠廢而不達。循卽六書外。凡六甲五方九數之事。亦將質焉而不知爲何物。其所以教小子者。何其隘也。且夫內則者。朱子所采以爲小學者也。內則之言曰。十年出就外傳。學書計。所謂書者。六書。所謂計者。九數。是六書不能該小學。而朱子所謂小學。實已并包六書。故朱子論小學。亦婁以書數爲言。今非毀朱子者。乃曰。自宋儒以洒埽應對進退爲小學。而書學始廢。夫書學之廢。由於選舉不重。班孟堅所謂利祿之路然也。故許叔重悼小學之不修。亦推原於尉律不課。雖唐時有書學一科。然與進士明經等科。畧其輕重。不啻鴻毛之於泰山。故終不能興起學者。今漫不加察。輒歸咎於宋儒。如是則宋以前學者。宜人人知六書矣。然自六朝至唐。不通六書者皆是。卽陸氏德明。賈氏公彥。爲有唐一代儒宗。然陸氏經典釋文。違叛六書者不一。而賈氏周禮疏。甚且以左回爲老。右轉爲考。解轉注。且不惟六朝與唐而已。東漢諸儒。爲近時言漢學者所宗。當其時尙有馬頭人爲長。人持十爲斗。屈中爲蟲。止句爲苛之說。然則書學之廢。豈宋儒始乎。而漫歸咎於宋儒乎。夫晚近以來。重文學而輕行誼。雖人人知洒埽應對進退爲小學。亦萬萬無以此教小子者。然君子立言。貴擗枉而不過正。今以偏重六書之故。至舉古人所諄諄訓小子者。輕鄙之。等於芻狗。則後有蔑古自恣者。不且以此言爲口實乎。愚故不自知其無似。推明古之小學。俾後生小子。雖不能循洒埽應對進退之節。庶幾不誤於近儒之言。而至以古人之小學爲詬病也。後之君子。其亦以予言爲然歟否歟。

擬張皋文先生黃山賦并序

歙汪行恕

黃山雄秀甲天下。舊有圖經而無名賦。夫其環跨四邑。亘數百里。躡磨斗壘。控引吳越。信神皋之壯觀。仙真之窟宅矣。而漢移濤霍。望祀不分。晉撤天台。濡翰遠闕。豈非詭鬱岧岧。撇雲霓。威夷九拆。垂堂萬仞。匪結想於塵躅。遂闕奇於篇指。皋文先生原本山川。極命草木。發富媪之偉奧。應潛靈而習壘。固已左思貴其筆藻。張華見而咨嗟。不揣咫尺。綴次原均。擬言賦之詞曰。

黃山者古之北黟。至高曰天都。其巔可以颺江浦。緬夔巫。石屋橫崖。仙人所廬。上規清蒼。白日澹澹。沈淵隱鱗。光氣黠黠。陰斂陽開。卻輦進轍。虛中者潭。旁入類窩。絕壁屹嶮。心怯俯覽。猗蹈無迹。龍吟有聲。笙鐘酣谷。響答匍匐。九龍之瀑。不雨晝鳴。折入丹井。不知幾更。山崇少土。水短似藏。湯泉宵沸。陰火盛煌。萬壑千派。交注於宣界。而浮溪則逆上入歙。過辨激洌。汨汨潼潼。迺折會豐。樂肆濬澹。而直出於之江。其最著則蓮華峻峭。始信嶽崎。回崖中斷。昭質未虧。附萼倚壁。根蔕倒茄。憑虛四望。高出雲霞。其錯出則兩峯對豎。是曰雲門。振衣欲往。一線容天。其深藏則度嶺入谷。腹景藏陽。西海之門。長留雪霜。其峯巒則紫石疊接。雲根蘊積。架木逾危。開徑奚益。緣磴直上。後首前蹠。發舒心目。動盪精魄。潛蚪纖鱗。變見無端。窅窅深深。執尋其原。肩城高峨。出入晦冥。山溜巖滴。餘聲若玲。跬步千變。頃刻易形。仙榜之巖。綠字通靈。非隸非篆。形簡金庭。譬若佳期。驂鸞來翔。童顏復丁。爾乃擘境逾奇。徵象迴別。日月照曜。懸竦雙闕。連岡杳搏。狀若覆盎。丹沙溫泉。關茅翦茂。陽氣鬱蒸。垢氛下出。卅六峯攢迭。起競雄駁。駁建標。意態各崇。三峯中峙。奠

定華戎。小山羣壑。大山是宮。旣滌塵凡。甫離湯池。但見夫無松不蓋。錯列呈奇。十步九憩。判別等差。攀蘿履險。不敢振衣。懸度百靈。摩揣九嶷。清泉奇石。并於一溪。逞勢昧理。殊形異狀。高無平實。纖列飄颻。大書深鐫。黃山彌望。其中則有伏蛟匿淵。待暝揚鬚。音樂之鳥。細口長啼。其上則有韓衆白鹿。超岩騰邱。倏爾徑往。突然歸來。摹圖繪狀。具體而微。目送心馳。杳不可追。其旁則有白猿雪公。超然獨處。古洞石牀。障蔽風雨。聯猿吟嘯。朋萃侶聚。鍊丹層臺。觀雲鋪海。郁郁紛紛。綿綿積累。平連奧窔。幽引虛墮。似聞人聲。乍隱天光。臨之在上。忽然在旁。由前海而覽後海。則森然鋒鏖。兀若振奮。桃園獅橫。說也不信。何來師子。穿林特起。山僧開寮。鐘聲未已。至若嘉卉異木。攜圖與偕。依壁牽蔓。無一平夷。木蓮證果。非檀非楊。海桐秋華。從風吹揚。絕凌高京。古梅萬本。桃源之陽。亦有櫻槐。晝品宵炕。樵丁傳聲。欽松委甯。仙源福近。斤伐火焚。山靈鬱其怒。燦光燐燐。以熊羆。驅虎攫猱。駭瞿踞竄。覓險無從。山糧荒寂。野人羣訐。揮劍睥睨。卻走狙公。雖多勁柯。靡有成叢。借石作骨。衝霄勢窮。其端眇鶴。罡風所乘。枯禪兀坐。若養童嬰。藤羅疊擁。何羨乎吹笙。至於奇松嘉石。臥龍棲雲。橫出半畝。皺皮隱鱗。接引遊侶。對巖生根。假蹇蟠屈。種類莫察。夫倪端其藥。則有茯苓門冬。紫英赤脂。琥珀入地。蘊采韜資。其草則有萬年之松。不死如薔。下山采薇。治壻攀荔。茶芽春馥。吞雲蒸霧。鑪鼎烹調。融液布瀟。遊屐少憩。餉以山茗。僧習種植。比於蔓菁。石縫中茁。芬芳擅名。神仙上藥。其次黃精。上者紅朮。巖香襲芸。絕頂萬仞。千年一莖。春夏之交。四遠敷榮。騰蛇羅守。五衛代更。誰不思採。匪栗匪懼。下風翹視。馨聞若蘭。未得其子。徒襲其芬。亘三五里。香散布焉。爾乃裹糧扶筇。凌石措足。

神樂奇恢。意忘磽嶮。漸近山趾。勢已渺邈。上下兩旁。仰見區類。危坡小心。恍惚若隊。手足力併。息不停喙。奇石作態。拓搖盼睐。悔未易筋。隨意所屈。於是超虛危。追暑景。凌九霄。駐四溟。神之凝。穆若無。快飛騰。通帝居。日月朗。元氣充。羨門式運。容成神融。軒轅丹熟。玉女侍雙。則見北隴騰歡。南山蘊濟。蒸成甘霖。大澤旁施。山石塋確。惟雲坦夷。四郊祈禱。旦視攜出。千派萬彙。不知紀極。層巖雪深。風日上汨。滑迴罕躋。岌岌巖巖。煙渺凌空。天橋基石。龍嶺疑谿。魚巨勝壚。詭怪百出。捷捷翩翩。拔袂而起。縱舞絕叫。扶覲使整。承風學嘯。息機駐景。斯爲佳所。興雲灑潤。皆在足下。爆竹驚叫。雲氣驟興。健者罕畏。徒侶步升。仰視白日。一何晶瑩。下窺天海。茅芟卉更有三海門。屹峙疑城。中多怪靈。剖蚌孕增。遊迹不到。殊難繪形。曷若湯寺。丹泉自生。亂曰。名區蘊奇。肇吳會。會稽府公脫塵綽。謫仙後至。氣超邁。秀竄雄出海內外。我坐其巔。譚渾蓋。

擬張皋文先生黃山賦

歛汪律本鞠甫

向作游黃山賦。履迹所至。豪楮斯寄。至其山之經緯窈奧。則概未涉也。茲更撫采山志。作黃山賦。以廣之。亘歙州故郡之西北。而爲一邦所瞻者。有黟山焉。是黃帝遐昇之地。容成棲息之鄉。秦隸郢郡。漢屬丹陽。分靈脈於率山。而居中控外。白嶽星共。若嶺箕張。湯源之水北出。漸江之流東注。夷險萬狀。盤恣奔赴。各占地勢。噲吸吞吐。濤瀑軼防。激浪容斥。豁險導隙。經道循故。惟恍惟惚。不可驟顧。雲晴雨陰。霏漲飭颺。訇隱鏗輅。鏗金振蕤。秋籟滿地。千溪納霜。衝飈罷舉。狂瀾不揚。斯已備極。數時之致。然後東出嚴瀧。西經魯江。衝陵倒壑。匯源海邦。爾乃觀其大勢。則饒壑奧寶。摩豁曾凌。垠鏐詭戾。烟攢霞蒸。夫容卅六。辯華紛承。

其高出則危爭太華。望窮咸池。雲馳斜接。日浴低窺。倚天無涯。值地擎支。其下隔則石乳簇布。深蔽陽光。乃有百疊之泉。六月之霜。其石則歸巖。屹屹。鋒攢苔剝。品精五色。蘊光在璞。雲動常懸。若墜者數。仰眎心懾。俯垂根斲。黠氣潤。文采相融。名物斯肖。奔羊逸鴻。若有神工。陽開陰闔。紛不知其所窮。層岡疊級。銳筍植簪。闕精孕奇。糾錯崎嶇。涼雨忽來。上天開霽。下地層陰。或乃道侶晨集。棲息青林。鑪火碧熟。湯泉綠樹。丹竈雲白。歷歷可尋。爾乃析其要領。狀其彷彿。於前則臺立文殊。峯思擲鉢。師子白象。一鼠雙桃。雲烟出沒。天都蓮華。左右爭雄。青鸞丹砂。麗於其中。石人老人。雲門若通。拱如排笏。爭如設衛。紛然而朝宗。其上則有觀基之室。采蓮之船。烟霏月露。仙靈在焉。左則坡連小心。溪泛消搖。天柱雲湧。青鐔氣韜。九龍瀑怒。一綫天遙。望倦上昇。軒轅迢迢。氣象帥雪。景光倏忽。崖草竄靡。磴道碑碣。窮高極險。忡忡惛惛。於中乃有激水聚魚。石活斑奇。土步鱗腴。右則飛來之峯。絡繹飛龍。容成浮邱。雲際相從。石柱石牀。布水聖泉。縹緲綸連。紫雲西東。其陰則平原條開。如釜如砥。龍嘯五夜。猿嘯十里。豐草藏樹。奧谷黝底。青蒼四望。靈怪中徙。儵恍幽邃。是曰海子。發軔丹梯。徒倚容與。屏翳斂影。獨龍旁驅。雌霓釋於層深。驚龍起於隙隅。於後則徑導鼉鼎。聲襲卿林。石頂光明。月脇深深。虹連筍茁。中森文筆。陸離萬形。百不似一。勝擅後海。奇靈罕匹。泊乎始信。蓋蓋委溢。其木則有黃荆七葉。豫章十圍。海桐文梓。榔柏辛夷。齒樑中材。蜀產失奇。續紛軋芴。連岡揜原。修幹扇雲。翁鬱蜷蛭。陰崖自火。中夜放光。熊熊不溫。乃有千歲之鹿。韓衆所騎。起霧隱豹。橫牀臥熊。風噪雨嘯。角獨號歧。蜺狻猶獮。狙公彰彰。引臂縋崖。呼侶援枝。荒榛宿莽。叢薄紛依。更有靈禽作。

樂逸過雲。蒼羽之鶴。丹堯危巢。神鴉頻伽。碧雞白鷗。異出乎其曹。松則冰雪千年。斷崖掛風。膚與石老。膏隨節通。巢鶴知寒。停雲異容。其下乃有蒼絲遠續。艾納低叢。攀髯之遺。伏虎之魄。精曜潛封。草則初莖。擢新散葉。敷路旌節。引藤玲瓏。垂素地髓。石藍蒟蒻。雲霧煌煌。扈扈十光。胥具苔松。九轉雲露。固形珊瑚。墜鞭屏風。散聲垂葩。爛熳目所未經。爰披上藥。紅朮黃精。絲蒨人侵。南星威靈。赤骨綠子。白石紫英。九莖之芝。周阿而生。若乃木蓮神果。崖蜜殊化。枝子杞實。金桃木瓜。梅杏棠棣。來禽枇杷。華實之毛。陸產無加。爾其懸峯峭巖。橋首增惴。容裔回皇。施擺詭秘。植杖少隙。側巾防墜。進與雲爭。降惟泉避。屏息斂容。遂巡拾級。然後得窮其異焉。若其薄漢表。恣雲變。孕靈輝。激幽燭。薰麝轉。積霽迴。列仙集。紛徘徊。谷神永。胎息成。久眎壹志。元氣溢盈。於是結露析朗。靈氛澹蕩。飭礪噓噓。溟渤應想。颯往颺來。駭視潏潏。東望若木。隱曜微芒。西南閭闔。搖影湯湯。寒凝水汜。北不見太陽。峭壁露頂。如翔海天。連檣建帆。大浪翻翻。稜稜地骨。鬣鬣縈穿。水升雲下。天迴地旋。衆響雜選。惚兮無見。奔湍叫囂。鬱林起電。滄蘖沸鼎。宛潭成旋。立景上游。魄恍神眩。朝暾濯光。激采四馳。滴滴濕濕。含陽上推。澗谷復形。瞻幽俯卑。丹巖碧磴。瓊樓瑤臺。三神可卽。五老欲來。隨觸成象。網緼胚胎。扶輿鍾淑。山氣王。神砂蘊朱。地靈釀。卽之軒軒。萃羣望。負並峨眉。凌雁宕。遲靈修兮永靈貺。

朱子奏復白鹿洞書院賦以訪唐遺址奏復其舊爲韻

沈惟賢

維有宋南渡之五十餘載。金革暫息。學校相望。服方領。習矩步者。庸集於絳帳。於時紫陽先生以瑰瑋之

資爲道學之宗匠。願瞻是邦。愛其翹秀。而閱其放曠。適度宏規。乞靈祝鳩。工旣建。宗指斯暢。有東南山水之奇觀。本周孔琴書以提唱。祁祁生徒。相與俎豆其間。而敦崇乎禮讓。竊然奧區。風采實壯。令易禩之後。猶千百贏糧而來訪。夫自待制以來。公之懷抱。將亭毒夫蒸甦。胡中涓之齟齬。俾承乏於南康。不數典而侍崇政。乃執掌而浮江湖。於是制經界。課農桑。頒四子爲矩矱。祀三賢於廟堂。其冬則陟廬阜之幽巘。理星子之名疆。援剔碑碣而誅榛荒。斯洞也。幽人之所棲止。五老之所降祥。昔昇元之竊據。實於茲乎更張。集峨峨之髦士。厲誦絃而琅琅。紛裙屐之如雲。炳經籍以生光。豈伊大宋之休運。而無以底績於南唐。迺請於朝曰。北郊四學。元嘉之鴻基也。東路五經。天監之隆規也。方今凋戈甫弭。皇綱漸施。泝泝庶彙。有詩書之思。而使識培塿者不視嵩岱之崇特。游漬灤者不量溟渤之渺瀰。陬澁無講學之舍。鄉國無通經之師。非所以鎔鑄萬寓而宣布皇慈也。側聞天子方行幸太學。脩釋菜之儀。橫經之俊。拜賜有差。臣以爲當敕下諸道。相其土宜。聚塾授徒。敦勸實學。以復玉局崇文之遺。臣管內廬山白鹿洞。故唐李渤息游於此。其上則連岡逶迤。怪石聳峙。盡崖胸而一空。鬱霞彩而蔚起。其下乃有太白之堂。彭蠡之水。瀟溪潏洄。髣髴乎處士風月光霽。動人遐跂。凡士皆沐浴孝友之淵。躋蹈仁讓之里。臣愚請踵而增之。賜以講肄之肆。飫以聖賢之理。使夫著名高義。通知儒術者。講論乎六藝。敦率乎操履。數年之後。必有高才異等。度越諸子。將此邦之風流。實植基於山人之故址。旣報可。迺命匠氏是崇是究。度陰陽之宜。闢蓬桑之陋。長恩莞其檀書。公輪樹其雲構。俄夏屋之渠渠。延寒士而輻輳。敕額旣賜。匪曰刻鏤。拜天章之焜煌。僉仰銳於我

后。況乃溫綸疊降。國恩高厚。壯此山河之色。與以御書之副。舉夫鴻都藝文淵雅之囿。充茂其中。以考訂夫古讀。章甫謹呼者。老遜聽歸功於太守。惟匪頒之是捐。更增益而美富。藉指紳爲綱紀。督下吏使奔走。蓋歸然屹然。不日而厥功已奏。且夫秦風貽笑於權輿。薛令興嗟於苜蓿。苟經畫之未周。慮亟拜之僕僕。爰命有司。制其田里。而豐其儲蓄。于子而來者。咸有以安使之。毋窘於饋粥。凡書賢之桀臬。都爲一編。而懸之於塾。諸生其循循講習。謹守條目。太極精蘊。章句解義。閱焉未詳。待先生之休沐。洋洋乎。郁郁乎。所爲經營而涵育者。亦冀承學之士。風驚雲驤。而庶幾古道之可復。於斯之時。承流嚮化。蕩瑕滌疵。荆隨發采。瑑之美。明珠加磨礪之資。宜祕蹟於河洛。迪宏文於黃義。友則南軒東萊金谿之屬。推闡義利。賞析奇疑。及門之英。蒼萃於茲。張陳黃蔡。非常之姿。握槩橐筆。而咸集者。匪徒平章竹木之勝。眺聽石梁之奇。蓋彬彬焉。敦厲風尚。敷崇訓辭。以仁義爲肴核。惟典策相娛嬉。用能窺堂奧。涉藩籬。始來世之學者。誦君子之溫其夫。川岳無不發之光。金箭有迭鍾之秀。將欲宏暢斯文。扶養雋茂。翊景運而被儒風。毓道德而延國胄。非惟廣廈之庇顏。亦藉耆英之領袖。然而鵲湖講義。支離誤其步趨。東林黨人。傾軋滋其飮餽。惟公處陽九之際。慨然創建。以垂範邊豆。令萬流仰風。而圭臬乎宇宙。迄今攀廬翠之崔巍。溯緇帷之受授。層雲摩空。拳石挺瘦。招白鹿兮長往。瞻寤想兮考亭之舊。

重修黃文節滴翠軒賦

歙縣附生 汪德淵

有客弱冠。羈旅四方。訪嚴陵於七里。弔正則於三湘。退息鳩茲。雅歷星霜。忽忽不樂。恍若有亡。有江干釣

變造而問曰。吾子何不樂也。客曰。僕烟霞中人也。性嗜古。常恨不及焉。往者登謫仙飲酒之樓。踏衛公行雨之地。挹白馬之浮嵐。染蟬磯之遺派。凡斯方之佳勝。罔不扶筇而至。萍水無聊。黃山偶思。將結廬於天都之峯。與蟬公而爲儕類。長者之來。曷以余賜。客曰。子亦知夫赭山乎。客曰。知之。曰。游乎。曰。未也。僕非不游也。曩者至茲山之麓。眺山僧之居。菟部婁之無奇。嗟陌塵之落裾。悵然返駕。皇然迴車。客曰。夫登山者。不造其極。不知其高也。入門者。不入其室。不知其奧也。吾子曾不是事。不亦惜乎。茲山之上。有滴翠軒。左擁浮圖。俯瞰山門。攬江流如襟帶。吸湖水入轡尊。昔涪翁之所築。世歷嬾而猶存。客驟聞之。喜不自禁。振衣而往。策馬而尋。累佛刹之層階。歷疏竹之幽林。於是入謁層軒之座。乃側坐而正襟。俯仰之頃。有懷欲白。尋見老僧。更衣速客。作而問曰。斯軒之建也。幾何年矣。寰區屢變。寶鼎幾革。胡爲乎與江山以不改。獨巍然而不拆乎。僧曰。斯軒之元。厥名曰楡。有樹一本。如輪如蓋。昔人名軒。意在言外。傷蘭芷之不芳。痛楮穀之日大。旣天日之虧蔽。復擢才之無會。嗟斯山之童童。羌一木兮是賴。旣而老楸伐。軒名易。滴翠以署。蕭艾以闢牆。高數仞。年歷七百。爰有後賢。慨懷遺迹。爲之雕斲流丹。涂綴重碧。護昔人之遺。布張公之席。以吾所聞。不能詳覈。然世以爲涪翁讀書所也。則有惑焉。昉彼涪翁。謫黔歷戎。豸毛累豹。金丸懼鴻。其得常涂。踰蹬其躬。蒞官九日。夙夜在公。席不暇暖。別墅何工。豈斯軒欲借之以重。而遂以爲棲神之宮乎。客曰。天地之間。物無常主。惟賢之踪。乃可千古。安見非涪翁偶爾之戾止。遂精氣之常聚乎。安見非有晦堂之流。接開樞之武乎。然則斯軒之所以久而新者。豈非風聲之所樹乎。山僧聞之。悟而不悟。乃爲歌以解。

之。曰。賤者有時貴。富亦有時貧。登高何所見。江水自沄沄。生時不可富。乃見士之遇。沒世不可賤。乃見士之猶。

